



REPUBLIKA E SHQIPËRISË
BASHKIA ROSKOVEC
KËSHILLI BASHKIAK

**PARAQITJA DHE SHQYRTIMI I ANKESAVE,
VËREJTJEVE, KËRKESAVE, PETICIONEVE DHE
INICIATIVAVE QYTETARE**

Qershor 2020



Mirënjohje

Kjo model rregullore u hartua në kuadër të projektit Bashkit të Forta, i zbatuar nga Helvetas dhe i financuar nga Qeveria Zvicerane.

Autrorët:

Artan Rroji

Kontribuan:

Fatlum Nurja



Tabela e Përmbajtjes	
TITULLI I. DISPOZITA TE PERGJITHSHME.....	5
KREU I. Baza ligjore, qëllimi dhe objekti i rregullores.....	5
KREU II. Përkufizimet.....	7
TITULLI II. ANKESAT DHE VEREJTJET.....	11
KREU I. E drejta dhe sistemi i trajtimit të ankesave.....	11
KREU II. Procedurat e menaxhimit të ankesave.....	17
KREU III. Ankesat për raste të veçanta.....	23
KREU IV. Llogaridhënja dhe performanca e trajtimit të ankesave.....	27
TITULLI III. Kërkesat, petitionet dhe iniciativat qytetare.....	32
KREU II. Shqyrtimi i kërkesave dhe peticioneve.....	32
KREU III. Iniciativa qytetare.....	46
TITULLI IV. TË DHËNAT PERSONALE.....	58
KREU I. Mbrojtja e të dhënave personale.....	58
KREU II. Dispozitat kalimtare.....	59
SHTOJCAT.....	60



Parathënje

E drejta e qytetarëve për të marrë pjesë në drejtimin e çështjeve publike vendore bën pjesë nëparimet e përbashkëta të shtetit demokratike, dhe ushtrimi i kësaj të drejte në mënyrë sa më të drejtëpërdrejtë rrit dhe fuqizon demokracinë vendore dhe garanton një vendimarrja sa më afër intereseve, nevojave dhe pritshmërive të qytetarëve.

Demokracia vendore pasurohet nga pjesëmarrja aktive e qytetarëve dhe grupeve të interesit në qeverisjen vendore dhe më së pari mundësohet nga qeverisja e mirë vendore. Hartimi i politikave vendore që synojnë avancimin e cilësisë së jetës të komuniteteve, ushtrimin e të drejtave të tyre civile dhe politike, dhe që garantojnë përdorimin sa më efektiv dhe eficient të burimeve vendore nga bashkitë, kërkon një pjesëmarrje aktive të qytetarëve në qeverisjen vendore.

Bashkitë përfitojnë shumë nëse komunitete vendore dhe shoqëria civile në bashki janë dinamike dhe pjesëmarrëse, dhe për këtë arsye ato duhet të lehtësojnë qasjen e qytetarëve dhe organizatave në informacion, t'i ndërgjegjësojnë dhe inkurajojnë për pjesëmarrje, të forcojnë njohuritë dhe aftësitë e tyre, si dhe të mbështesin ngritjen e kapaciteteve të tyre. Bashkitë duhet të eksplorojnë metoda dhe mënyra të reja për të nxitur dhe mbështetur angazhimin e drejtëpërdrejtë të qytetarëve në qeverisjen vendore. Për të qënë cilësorë dhe efektive, bashkitë duhet të sigurojnë që proceset pjesëmarrëse në qeverisjen vendore të jenë të hapura, të aksesueshme nga të gjithë, dhe të zhvillohen nga qytetarë dhe grupe interesi që fuqizohen në mënyrë të vazhdueshme nga bashkitë.

Bashkitë e Shqipërisë duhet të garantojnë ushtrimin e të drejtave të qytetarëve për pjesëmarrje në qeverisjen vendore. Ato kanë në misionin e tyre nxitjen efektive të pjesëmarrjes gjithëpërfshirëse të bashkësisë në qeverisjen vendore,¹ detyrimin të garantojnë pjesëmarrjen e publikut në procesin e vendimarrjes², të marrin në shqyrtim kërkesat e qytetarëve dhe t'u kthejnë përgjigje brenda afateve të përcaktuara me ligj³, si dhe detyrimin të pranojnë dhe të shqyrtojnë iniciativat qytetare për vendimarrje bashklake.⁴ Për të munduruar këto, bashkitë do të duhet të hartojnë e zbatojnë politika që të garantojnë ushtrimin e këtyre të drejtave.

Por ndërkohë një nga shqetësimet kryesore të bashkive të Shqipërisë është mungesa e interesimit të qytetarëve ndaj proceseve politike vendore. Në këtë sfidë shoqëria civile dhe grupet komunitare janë aktorë të rëndësishëm për të nxitur proceset demokratike vendore dhe për të mbështetur përfaqësimin e interesave të larmishme të qytetarëve në proceset e politikëbërjes dhe vendimarrjes së bashkisë.

Bashkitë e Shqipërisë duhet të synojnë të demokratizojë sa më shumë qeverisjen vendore për të rritur cilësinë dhe rezultatet e qeverisjes, si dhe të promovojnë forma të reja ndërveprimi me qytetarët dhe komuniteteve. Për të munduruar një pjesëmarrje aktive dhe të efektshme të qytetarëve dhe grupeve të interesit në qeverisjen vendore, bashkitë duhet të krijojnë një mjedis të favorshëm dhe inkurajues për pjesëmarrje. Ata duhet të rrisin cilësinë dhe sasinë e informacionit për qytetarët si dhe t'i fuqizojnë ato me njohuri, fonde, mekanizma ndërveprimi e bashkëpunimi, legjislacion, rregullore dhe standarde, në mënyrë që të garantojnë rritjen e vazhdueshme të cilësisë së kontributit të tyre dhe besimin se angazhimi i tyre është i mirëpritur nga bashkia dhe jep rezultate.

Kjo rregullore ka si qëllim pikërisht ngritjen e një sistemi, të mekanizmave dhe përcaktimit e rregullave, përgjegjësiave dhe procedurave për t'i munduruar qytetarëve dhe grupeve të interesit një pjesëmarrje aktive në proceset e politikëbërëse dhe vendimarrëse dhe në influencimin e axhendën qeverisëse të Bashkisë, si dhe ngritjen e një sistemi efektiv, të drejtë dhe të hapur, të pranimit dhe shqyrtimit të ankesave drejtuar këshillit bashkiak.

Kjo rregullore do të kontribuojë gjithashtu në ndryshimin e sjellës dhe të praktikave të punës së bashkisë dhe në ridimensionimin e ndërveprimit e tyre me qytetarët, komunitetin dhe bizneset.

¹Ligji nr. 139/2015, neni 3/4h.

²Ligji nr. 139/2015, neni 16/1.

³Ligji nr. 139/2015, neni 19/2.

⁴Ligji nr. 139/2015, neni 20/1.



TITULLI I
DISPOZITA TE PERGJITHSHME

KREU I
BAZA LIGJORE, QELLIMI DHE OBJEKTI I RREGULLORES

Neni 1
Baza ligjore

Baza ligjore është Ligji nr. 139/2015 "Për vetëqeverisjen vendore:

1. Çdo qytetar apo grup që përfaqëson komunitetet ka të drejtë t'i drejtojë ankesa, kërkesa apo vërejtje Këshillit Bashkiak për çështje që lidhen me funksionet dhe kompetencat në juridiksionin e Bashkisë. Këshillit Bashkiak është i detyruara të marrë në shqyrtim ankesat, kërkesat apo vërejtjet dhe të kthejë përgjigje brenda afateve të përcaktuara me ligj.⁵
2. Çdo komunitet, nëpërmjet përfaqësuesve të autorizuar të tij, si kryesia e fshatit apo këshilli komunitar i lagjes, apo jo më pak se një për qind (1%) e banorëve të bashkisë me të drejtë vote, ka të drejtë të paraqesë për vendimmarrje në këshillin bashkiak një iniciativë qytetare për çështje që janë brenda juridiksionit të bashkisë dhe kompetencës së Këshillit.⁶

Neni 2
Qëllimi i rregullores

1. Kjo rregullore synon të sigurojë trajtimin efektiv, të drejtë dhe me privaci të ankesave dërguar Këshillit Bashkiak (më poshtë Këshilli), si dhe të përcaktojë kompetencat, procedurat, mekanizmat dhe të drejtat dhe detyrimet për trajtimin e ankesave që i drejtohen Këshillit Bashkiak, përfshirë regjistrimin, trajtimin, raportimin dhe përdorimin e ankesat për të përmirësuar performancën e punës së Këshillit dhe shërbimet e Bashkisë.
2. Nxitjen dhe forcimin e demokracisë vendore dhe inkurajimin e pjesëmarrjes aktive të qytetarëve, organizatave dhe grupeve të interesit në proceset politikëbërëse dhe vendimmarrëse të Bashkisë, si dhe në influencimin e axhendën qeverisëse të Bashkisë.
3. Fuqizimin e qytetarëve, organizatave dhe grupeve të interesit për të të luajtur një rol udhëheqës në përcaktimin e përparësive zhvillimore të komunitetit dhe territorit ku ato banojnë apo punojnë.

⁵ Ligji nr. 139/2015, neni 19.

⁶ Ligji nr. 139/2015, neni 20/1



Neni 3

Objekti i rregullores

Objekti i kësaj rregullore është përcaktimin e rregullave, përgjegjësiave, mënyrave dhe procedurave për ngritjen e sistemit dhe organizimin e procesit të shqyrtimit të ankesave, kërkesave, vërejtjeve, peticioneve dhe iniciativave qytetare që i drejtohen Këshillit.

Neni 4

Objektivat specifike të rregullores

Objektivat specifike të rregullores janë:

1. Të krijojë standartet dhe një sistem të hapur dhe transparent të trajtimit të ankesave;
2. Të krijojë një kornizë kohore për zgjidhjen e ankesave;
3. Të sqarojë rolet dhe përgjegjësitë e në trajtimin e ankesave drejtuar Këshillit;
4. Të sigurojë që ankesat të trajtohen në mënyrë të drejtë dhe objektive;
5. Të përcaktojë detyrimet dhe përgjegjësitë për regjistrimin dhe analizimin e të dhënave për ankesat për të identifikuar se ku mund të përmirësohen shërbimet e Këshillit dhe Bashkisë, si dhe të sistemit të trajtimit të ankesave;
6. Të sigurojë qytetarët se Këshilli është e angazhuar për zgjidhjen e problemeve, përmirësimin e marrëdhënieve dhe ndërtimin e besimit në procesin e qeverisjes;
7. Të përmirësojë transparencën e Këshillit;
8. Të specifikojë treguesit kryesorë të performancës, për të cilët Këshilli do të jetë përgjegjës në lidhje me marrjen dhe trajtimin e ankesave.
9. Të krijojë një kuadër rregullator i cili të përcaktojë ndërveprimin mes bashkisë dhe parashtruesve dhe nënshkruesve të peticioneve.
10. Të rrisë eficiencën e funksionimit të këshillit bashkiak në marrëdhënjet me komunitetet dhe grupet e interesit.
11. Të krijojë standartet për një sistem të hapur dhe transparent të shqyrtimit të peticioneve dhe iniciativave qytetare.
12. Të përcaktojë një kornizë kohore për shqyrtimin e ankesave ndaj vendimeve të këshillit bashkiak në lidhje me peticionet dhe iniciativat qytetare.
13. Të sqarojë rolet dhe përgjegjësitë e në trajtimin e peticioneve dhe iniciativave qytetare.
14. Të sigurojë që e peticioneve dhe iniciativave qytetare të trajtohen në mënyrë të drejtë dhe objektive.



KREU II PËRKUFIZIMET DHE SHKURTIME

Neni 5

Përkufizimet dhe shkurtime

1. Në këtë rregullore, termat kanë kuptimin sipas legjislacionit përkatës në fuqi.
2. Në çdo rast përdorimi a interpretimi, do të merren përkufizimet e dhëna në shtojcën nr. 1, të Rregullores së Brëndshme të Funkionimit të Këshillit Bashkiak.
3. Termat që i referohen titullarëve, nëpunësve apo anëtarëve të organeve të qeverisjes qendrore e vendore, i referohen në çdo rast institucionit përkatës dhe duhen kuptuar e interpretuar që përfshijnë të dyja gjinitë.

Ankimim administrativ: ankimi ndaj një akti administrativ ose mosveprimit të organit publik (Këshillit) për nxjerrjen e aktit të brenda afatit të parashikuar dhe/ose veprimit procedural të organit publik gjatë procedurës administrative.⁷

Afat kohor: është koha e llogaritur në ditë pune, brenda së cilës realizohen procedurat e parashikuara në këtë rregullore.⁸

Ankues: çdo person fizik apo juridik

Bashkia: Qeveria bashkiake në të dyja format e saj, vendimmarrëse dhe ekzekutive.

Banor: banor i regjistruar në bashkinë përkatëse.

Dorëzimit të peticionit në Bashki: Dorëzimi dhe regjistrimi i peticionit në zyrën e protokollit të bashkisë apo në zyrën me një ndalesë të bashkisë.

Grup interesi: është organizatë apo një grup organizatash jofitimprurëse që përfaqësojnë interesat e një grupi personash fizikë ose juridikë, një grup me bazë komunitare, si dhe subjekte të tjera të prekura apo të interesuara⁹ për një politikë, akt apo vendimmarrje të këshillit bashkiak.

Grup nismëtar: është një grup qytetarësh, me të drejtë vote, që marrin iniciativën, hartojnë dhe paraqesin tek këshilli kërkesën për iniciativë qytetare apo referendum vendor sipas kërkesave dhe procedurave ligjore.

Grupi i mbledhjes së nënshkrimeve: është struktura përgjegjëse për mbledhjen e nënshkrimeve mbështetëse të nismës, në mjediset publike dhe private.

Iniciativë qytetare: Propozim i shkruar, i shoqëruar me nënshkrime, që paraqitet për vendimmarrje në këshillin bashkiak, nga çdo grup komuniteti, nëpërmjet përfaqësuesve të tij të autorizuar sipas ligjit, ose jo më pak se një për qind (1%) e banorëve të bashkisë, nëpërmjet të cilit kërkohet miratimi i një akti normativ nënligjor, i një politike apo rregullore për çështje që janë brenda juridiksionit të Bashkisë dhe janë në kompetencën ligjore të Këshillit, miratimi

⁷ Ligji nr. 44/2015 "Kodi i procedurave administrative", neni 128/3.

⁸ Ligji nr. 54 datë 18.7.2019 "Për nismën ligjvënëse të zgjedhësve", neni 3/1.

⁹ Ligji nr. 146/2014, neni 2.



i një rezolute, apo hedhja poshtë plotësisht apo pjesërisht e një dokumenti politike, rregullore apo akti tjetër normativ të miratuar më parë nga këshilli bashkiak.

Këshilli: Këshilli Bashkiak i Roskovecit.

Komisioni për Peticionet: Komisioni i këshillit bashkiak për mandatet, rregulloren, zgjedhjet peticionet dhe strukturat komunitare.

Komisioner: Komisioneri për të Drejtën e Informimit dhe Mbrojtjen e të Dhënave Personale, Komisioneri për Mbrojtjen nga Diskriminimi.

Klient/anëtar i publikut: nënkupton një person ose organizatë që merr këshilla, merr një shërbim, përdor pronat e bashkisë, apo është i angazhohet në një marrëdhënie biznesi me bashkinë, apo një person apo organizatë/agjenci tjetër që ka një interes në funksionet apo veprimtarinë e Këshillit Bashkiak apo Bashkisë.

Kryetari: Kryetari i Këshillit Bashkiak Roskovec

Mbledhës nënshkrimesh: është një individ që u kërkon votuesve të nënshkruajnë një peticion, dhe që ndjek dhe është dëshmitar i nënshkimit të peticionit.

Mjedise të mbledhjes së nënshkrimeve: janë hapësirat publike ose private, të cilat kanë adresë dhe një numër të përcaktuar sipas vendimi të kryetarit të bashkisë, dhe ku realizohet procesi i mbledhjes së nënshkrimeve të mbështetësve të një peticioni.¹⁹

Nënshkrues: çdo zgjedhës i regjistruar në listën e zgjedhësve të bashkisë në zgjedhjet fundit vendore apo kombëtare, eila zgjedhje të jetë bërë më vonë në kohë.

NjA: Njësia Administrative e Bashkisë.

Peticion: është një kërkesë drejtuar këshillit bashkiak apo komisionit të përhershëm të këshillit, për ta nxitur atë të ndër marrë apo të mos ndër marrë një veprim apo vendim me interes për bashkësinë apo territorin e bashkisë, i bërë me shkrim dhe i shoqëruar me nënshkrime nga një grup banorësh apo grupe interesi, dhe që i adresohet këshillit për çështje në kompetencë ligjore të tij, apo për një çështje për të cilën këshill ka mundësi të influencojë apo llojë.

ePeticion: Peticioni elektronik krijohet në faqen zyrtare të e internetit të bashkisë dhe qarkullohet në mënyrë elektronike për t'u firmosur nga mbështetësit, duke futur të dhënave e tyre në mënyrë elektronike.

Peticion qarkullues për iniciativë qytetare: një peticion për iniciativë qytetare është qarkullues kur një individ u kërkon votuesve të nënshkruajnë peticionin, dhe e nënshkruan atë në tagrin e qarkulluesit. Nismëtari i peticionit qarkullues mund të jetë vullnetar apo profesionist me pagesë.

Përfaqësuesit e autorizuar të komunitetit: Kryesia e fshatit, këshilli komunitar i lagjes.

¹⁹ Ligji nr. 34 datë 18.7.2019 "Për nismën ligjvënëse të zgjedhësve", neni 3/5.



Parashtrues të iniciativës qytetare: janë banorë apo përfaqësues të një apo disa organizatave, të cilët marrin nismën për të hartuar dhe paraqitur një projekt akti apo rezolutë për miratim në këshillin bashkiak, dhe që e nënshkruajnë të parët peticinin për iniciativë qytetare.

Përfaqësia: Përfaqësia promovuese e iniciativës qytetare është grupi i parashtruesve të peticionit që përfaqësojnë nënshkruesit e peticionit para organeve të bashkisë, në të gjitha veprimtaritë për nënshkrimin, pranimin dhe shqyrtimin e iniciativës.

Sekretari: Sekretari i Këshillit Bashkiak Roskovec

Shërbim i besuar: është shërbimi elektronik, i cili konsiston në krijimin, verifikimin dhe vërtetimin e vlefshmërisë së vulave elektronike, shërbime të regjistruara të transmetimit elektronik dhe të certifikatave të lidhura me këto shërbime, ose krijimin, verifikimin dhe vërtetimin e vlefshmërisë së certifikatave për autentifikim faqesh interneti, ose mundësimin e identifikimit elektronik të sigurt nëpërmjet mjeteve të identifikimit elektronik të përdorura brenda një skeme të identifikimit elektronik, ruajtjen e vulave ose certifikatave që lidhen me këto shërbime.¹¹

Vërejtje: një komunikim në formë shkresore apo elektronike me Këshillin Bashkiak, që ka për qëllim të sjellë në vëmendjen e Këshillit një problem apo një shqetësim, pa pritur detyrimisht një përgjigje zyrtare nga këshilli.

Verifikim i nënshkrimeve: është procesi i verifikimit të fletëve të nënshkrimeve, nënshkrimeve elektronike, si dhe i të dhënave të mbështetësve të peticionit/ iniciativës, që realizohet nga qeveria bashkiake.

Zgjedhës: banor i regjistruar në bashki dhe me të drejtë vote.

ZIN: Zyra me Një Ndalesë në bashki apo që administrohet nga bashkia.

¹¹ Ligji nr. 107/2015 "Për identifikimin elektronik dhe shërbimet e besuar", neni 19/3.



ANKESAT DHE VEREJTJET

Tabela e përmbajtjes

TITULLI II. ANKESAT DHE VEREJTJET	11
KREU I. E DREJTA DHE SISTEMI I TRAJTIMIT TË ANKESAVE	11
E drejta për t'u ankuar në rast pakënaqësie me përgjigjen e Këshillit.....	11
Parimet e trajtimit të ankesave drejtuar këshillit.....	12
Përkufizimi i ankesës.....	12
Përkushtimi i këshillit në trajtimin e ankesave.....	13
Sistemi i trajtimit të ankesave.....	13
Dërguesit e ankesës.....	14
Forma dhe dërgimi i ankesës.....	14
Kategoritë kryesore të ankesave.....	14
Përjashtimet e ankesave që trajtohen me këtë rregullore.....	15
Prezumimi për llogaritjen e afatit të dorëzimit të ankesës.....	16
Kontaktet për dërgimin e ankesës.....	17
KREU II. PROCEDURAT E MENAXHIIMIT TË ANKESAVE	17
Pranimi dhe regjistrimi i ankesës.....	17
Vendimi për përjashtimin e ankesës nga trajtimi.....	17
Vlerësimi i ankesave.....	17
Njoftimi i futjes së ankesës në procedurën e shqyrtimit.....	18
Shpërndarja e ankesave.....	18
Zgjidhja paraprake e ankesës.....	19
Hetimi i mëtejshëm i ankesës.....	19
Rishikim i brendshëm i trajtimit të ankesës.....	20
Bashkëpunimi me ankuesin.....	20
Hartimi i përgjigjes.....	21
Kontrolli i cilësisë së përgjigjes.....	21
Dorëzimi i përgjigjes.....	21
Ankesa e paraqitur nepërmjet këshilltarit.....	21
Sjellja e paarsyeshme e ankuesit.....	21
Bashkëpunimi i Këshillit me ekzekutivin e Bashkisë në trajtimin e ankesave.....	22
Regjistri i Ankesave.....	22
KREU III. ANKESAT PËR RASTE TË VECANTA	23
Ankesat për sjelljet e Këshilltarëve.....	23
Ankesat për mos respektimin nga kryetari i standarteve të mbledhjes së këshillit.....	24
Ankesat për mos respektimin nga kryetarët e komisioneve të standarteve të mbledhjes.....	24
Ankesat për sjelljet e Sekretarit.....	25
Ankesat për sjelljet e punonjësve të Sekretariatit.....	25
Ankesat për kontraktorët e shërbimeve publike bashkiake.....	25



Ankesat për mos zbatimin e kërkesave të njoftimit dhe konsultimit publik	26
Ankesat për mos zbatimin nga sekretari të kërkesave për të drejtën e informimit	27
KREU IV. LLOGARIDHËNJA DHE PERFORMANCA E TRAJTIMIT TË ANKESAVE...	27
Monitorimi i sistemit të menaxhimit të ankesave	27
Përmirësimi i sistemit të trajtimit të ankesave	28
Vlerësimi dhe raportimi për performancën e trajtimit të ankesave.....	28
Pranimi dhe i shqyrtimi i vërejtjeve.....	29
Shtojcat.....	60
Shtojca nr. 1 Model i formularit të ankesës	60
Shtojca nr 2. Model njoftimi për pranimin e ankesës për shqyrtim, drejtuar ankuesit	61
Shtojca nr. 3 Model shkresë për kthim përgjigje drejtuar ankuesit.	62
Shtojca nr. 4 Model shkresë drejtuar ankuesit për delegimin e trajtimit të ankesës	63
Shtojca nr. 5 Model shkresë drejtuar agjencisë jashtë Bashkisë, për trajtimin e ankesës	64
Shtojca nr. 6 Model i kategorizimit të ankesave.....	65
Shtojca nr. 7 Model i formatit të regjistrit të ankesave.....	67
Shtojca nr. 8 Model struktura dhe të dhënave të raportit për ankesat.....	68

TITULLI II

ANKESAT DHE VEREJTJET

KREU I

E DREJTA DHE SISTEMI I TRAJTIMIT TË ANKESAVE

Neni 6

E drejta për t'u ankuar në rast pakënaqësie me përgjigjen e Këshillit

1. Çdo individ, grup individësh ose organizata joqeveritare, që pretendojnë se u janë shkelur të drejtat dhe liritë dhe interesat e tyre të ligjshme nga veprimet ose mosveprimet e paligjshme e të parregullta të Këshillit si dhe janë të pakënaqur me përgjigjen e Këshillit ndaj ankesës së tij/saj, kanë të drejtë të ankohen pranë Avokatit e Popullit dhe të kërkojnë ndërhyrjen e tij për vënien në vend të së drejtës ose lirisë së shkelur¹².
2. Trajtimi i ankesës ndaj përgjigjes së marrë nga Këshilli trajtohet nga Avokati i Popullit sipas Ligji nr. 8454/1999 "Për Avokatin e Popullit".

¹² Ligji nr. 8454/1999 "Për Avokatin e Popullit", neni 12



Neni 7

Parimet e trajtimit të ankesave drejtuar këshillit

Këshilli gjatë trajtimit të ankesa ndjek parimet e mëposhtme, por jo vetëm:

1. trajtimin i ankuesve të bëhet në mënyrë të sjellshme, të vëmendshme dhe të ndjeshme;
2. të mirë menaxhojë pritshmëritë e ankuesit për të siguruar që ato janë realiste që nga fillimi;
3. të sigurojë një informacioni të qartë dhe të saktë për ankuesit dhe për menyrën e zgjidhjes së ankesës;
4. të sigurojë që ankuesit të kuptojnë se çfarë mund të bëjë dhe nuk mund të bëjë Këshilli;
5. të rrisë ndërgjegjësimin e ankuesve për përgjegjësinë e tyre për të trajtuar personelin me respekt, për të siguruar informacion dhe për të bashkëpunuar me punonjësit e caktuar për trajtimin e ankesës së tyre;
6. të ruajë konfidencialitetin dhe privatësinë e informacionit, në përputhje me ligjin dhe procedurat, në masën që kjo është praktikisht e mundur;
7. të ndjekë procedurat në mënyrë të ndershme;
8. të veprojë në mënyrë të paanshme;
9. të marrë vendimeve në lidhje me ankesat, bazuar në meritë dhe objektivitet;
10. të ofrojë arsye të qarta për vendimet në përgjigje të ankesave;
11. të përdorë burimet e Këshillit dhe bashkisë në mënyrë efektive dhe efçente përgjatë procesit të trajtimit të ankesave.

Neni 8

Përkufizimi i ankesës

1. Një ankesë është një shprehje zhgënjimi, pakënaqësie apo mosdakordësie ndaj:
 - a. cilësisë së vendimeve, politikave, procedurave apo veprimeve të ndërmarra nga Këshilli, ekzekutivi i Bashkisë, nga agjencitë, institucionet e ndërmarrjet në varësi të Bashkisë si dhe nga kompanitë private që ofrojnë shërbime publike bashkiake;
 - b. vonesat apo dështimi i Këshillit për të ndjekur dhe zbatuar rregullat dhe procedurat e miratuara nga Këshilli për ustrimin e kompetencave dhe detyrave të tij;
 - c. sjelljes dhe qëndrimit të Këshilltarëve, punonjësve të Bashkisë apo të agjencive në varësi apo që punojnë në emër të Bashkisë;
 - d. nivelit të cilësisë, vonësave apo dështimit në ofrimin e shërbimit bashkiake, reduktimi i shërbimit të miratuar, apo dështimin për t'ju përgjigjur një kërkesë për marrje shërbimi;
 - e. vonesave apo dështimit të dërgimit të përgjigjeve nga Këshilli apo ekzekutivit i Bashkisë.
2. Një ankesë bëhet kur Këshilli, ekzekutivi i Bashkisë apo agjencitë dhe ndërmarrjet në varësi të Bashkisë kanë dështuar në të bërit diçka që duhej të bënim sipas ligjit, politikës,



rregullores apo standartit, apo kanë bërë diçka që nuk duhej ta kishin bërë dhe që është jashtë fushës së vet të kompetencës.

Neni 9

Përkushtimi i këshillit në trajtimin e ankesave

Këshilli është i përkushtuar të:

1. njohë të drejtën e çdo klienti/ qytetari apo organizate/ agjencie për të bërë ankesë;
2. sigurojë një sistem efikas, të drejtë, të qasshëm, transparent dhe të hapur për zgjidhjen e ankesave drejtuar Këshillit;
3. sigurojë që të gjitha ankesat të dëgjohen dhe zgjidhen në mënyrë të drejtë dhe sa më shpejt që të jetë e mundur;
4. monitorojë ankesat për të përmirësuar cilësinë e shërbimeve;
5. sigurojë klientëve informacione rreth procesit të administrimit të ankesave;
6. promovojë një qëndrim pozitiv ndaj zgjidhjes së ankesave;
7. jetë i ndjeshmë ndaj rrethanave të personave apo organizatave me nevoja të veçanta, dhe të ofrojë ndihmës për ankuesit që mund të jenë në situatë të pafavorshme dhe për këtë arsye kërkojnë ndihmë shtesë, p.sh. për shkak të vendodhjes së largët, gjuhës ose dëmtimeve fizike, të qënurit fëmijë apo i ri, etj.

Neni 10

Sistemi i trajtimit të ankesave

1. Sistemi i trajtimit të ankesave drejtuar Këshillit përfshin politikën, rregullat dhe procedurat si dhe teknologjinë e përdorur për trajtimin të ankesave, dhe pasqyron nevojat, pritshmëritë dhe të drejtat e ankuesve.
2. Këshilli ndërton një sistem të unifikuar të grumbullimit, regjistrimit dhe dhënjes së përgjigjeve ndaj ankesave drejtuar Këshillit, i cili përbëhet nga:
 - a. një sistem manual të marrjes dhe regjistrimit të ankesave dhe përgjigjeve;
 - b. një sistem elektronik të informimit, marrjes dhe regjistrimit të ankesave dhe përgjigjeve, nëpërmjet faqës së internetit zyrtare të Bashkisë, të quajtur regjistri elektronik i ankesave;
 - c. një manual për trajtimin e ankesave (mbështetur në këtë rregullores);
 - d. përcaktimin e përgjegjesive për trajtimin e ankesave;
 - e. një grafik të rrjedhjes së punëve për trajtimin e ankesave;
 - f. procedura standarde e veprimit për trajtimin e ankesave;
 - g. një sistem kategorizimin sipas tematikave të ankesave;
 - h. një metodologji dhe procedurë për analizimin dhe raportimin e ankesave;
 - i. një metodologji dhe procedurë për monitorimin dhe raportimin e performancës së sistemit të trajtimit të ankesave.
3. Të dhënat në lidhje me trajtimin e ankesave regjistrohen regjistrin e ankesave.



Neni 11

Dërguesit e ankesës

1. Këshilli pranon ankesa nga banorët, bizneset vendore, vizitorët në bashki, ofruesit e shërbimeve për bashkinë, grupet e komunitetit dhe çdo grup ose individ tjetër që përdor ose preken nga politikat dhe shërbimet që ofron Këshilli dhe Bashkia.
2. Këshilli pranon ankesa nga persona që veprojnë në emër të dikujt tjetër si p.sh. këshilltarë bashkiakë, anëtarët e parlamentit (deputetët) dhe përfaqësues me prokurë.

Neni 12

Forma dhe dërgimi i ankesës

1. Ankesa bëhet me shkresë dhe dërgohet dorazi pranë ZIN qëndror të Bashkisë apo njësisë administrative, apo me postë, dhe nënshkruhen nga ankuesi.
2. Ankesa dërgohet me shkrim edhe në formë elektronike dhe përmes kanaleve elektronike përfshirë postën elektronike zyrtare të Këshillit, aplikacionin në faqen e internetit të Bashkisë apo nëpërmjet aplikacionit të Bashkisë në telefoninë celulare. Ankesa mund të dërgohen edhe me cel, dhe në këtë rast ankuesi duhet të identifikohet me emrin dhe mbiemrin, numrin personal të identitetit.
3. Ankesa mund të paraqitet edhe nga një Këshilltar, i cili/a fillimisht e regjistron në sistemin elektronik të ankesave, dhe mund ta paraqesë edhe në mbledhjen e Këshillit apo komisionit të përhershëm, sipas procedurave të rregullues së mbledhjes së Këshillit.
4. Ankesa duhet të përmbajë: a) emrin, mbiemrin, adresën e plotë të banimit dhe nr. e cel të ankuesit; b) adresën postare ose elektronike ku ankuesi kërkon t'i dërgohet përgjigjia; c) përshkrimin e ankesës; ç) çfarë pret ankuesi nga Këshilli; d) çdo të dhënë apo dokument që ankuesi gjykon se mund të ndihmojë në shqyrtimin e ankesës. Në rastin kur ankuesi e dërgon ankesën në mënyrë elektronike apo me postë, duhet të bashkëlidhë një kopje elektronike apo fotokopje të kartës së identitetit. Këshilli mundëson që ankuesi të fusë të numrin personal të identifikimit në rastin kur ankuesi përdor aplikacionin për ankesat në zyrtare të internetit të Këshillit. Ankuesi në tekstin e ankesës specifikon nëse për çështjen për të cilën ka bërë ankesë ka hapur një proces gjygjësor apo jo (Shtojca nr.1, model i formatit të ankesës).
5. Këshilli nuk ka detyrim të regjistrojë, dhe si pasojë të shqyrtojë ankesat e dërguara me shkrim apo me celular, në mënyrë anonime.

Neni 13

Kategoritë kryesore të ankesave

1. Kategoritë kryesore të ankesave janë:
 - a. ankesat për qëndrimin dhe sjelljen e këshilltarëve, të punonjësve të sekretariatit të këshillit, të punonjësve të bashkisë, të punonjësve të agjencive, institucioneve dhe ndërmarrjeve në varësi të bashkisë, punonjësve të ndërmarrjeve private që ofrojnë shërbime publike me kontratë me bashkinë;



- b. ankesat për shërbimet publike, cilësinë e pronave të Bashkisë (Shtojca nr. 6, model kategorizimi).
 - c. ankesat për sigurinë publike në komunitet;
 - d. ankesat për procedurat e hartimit të politikave, planeve, rregulloreve të Bashkisë
 - e. Ankesat për procesin e vendimarrjes së Këshillit dhe të njoftimit dhe konsultimit publik të Këshillit.
 - f. Ankesat për rregullat dhe standardet e komunikimit të Këshilli dhe ekzekutivit të Bashkisë me qytetarët (oraret, kontaktet, njoftimet etj)
2. Këshilli përcakton me vendin kategoritë të tjera si dhe nënkategoritë përkatëse.

Neni 14

Përjashtimet e ankesave që trajtohen me këtë rregullore

Nuk janë në fushën lëndore të kësaj rregulloreje trajtimi i ankesave, si në vijim:

1. Ankesa që nuk kanë të bëjnë me funksionet e Bashkisë, me përgjegjësi, veprimet ose vendimet e Këshillit, apo të ndonjë organizate, institucioni, ndërmarrje në varësi apo që vepron në emër të Bashkisë,
2. Ankesa ka marrë përgjigje nga një Komisioner apo Avokati i Popullit.
3. Ankesat për akte administrative apo çështjet për të cilat ekzistojnë procedura ligjore të veçanta për marrjen e shërbimit dhe të drejta dhe procedura ligjore për ankimim: i) për lejet, licencat, gjobat, faturat, ndihmat ekonomike, bonuse për banesë, urdhëra për prishje ndërtesash, çështje të ankesave për shërbime sociale në lidhje me të rriturit dhe fëmijët; ii) ankesat që kanë të bëjnë me apeline ndaj vendimeve administrative të tjera përveç atyre të përmendura në pikën i) më sipër, të marra nga ekzekutivi të Bashkisë apo nga agjencitë, institucionet dhe ndërmarrjet në varësi të Bashkisë, pasi këto ankesa i duhen drejtuar Sektorit të Apelineve pranë Bashkisë.
4. Çështjet dhe ngjarjet që kanë ndodhur më shumë se dymbëdhjetë muaj para marrjes së një anese. Sekretari në konsultim me Kryetarin, me menaxherët e lartë dhe zyrën juridike të Bashkisë, kur është e përshtatshme, mund të përdorë diskrecionin për të vendosur përjashtime nga ky rregull. Arsyet e mundshme për pranimin e një anese pas një viti përfshijnë një ose më shumë nga sa vijon: moshë e ankuesit, vonesa e dërgimit të ankesë ishte përtej kontrollit të ankuesit, faktin që provat e reja janë bërë të disponueshme.
5. Ankesat për të drejtën e informimit drejtuar Bashkisë
6. Ankesat në lidhje të drejtën e informimit për projekte me ndikim në mjedis.
7. Ankesat për mbrojtjen e të dhënave personale.
8. Ankesat ndaj veprimeve dhe sjelljeve të punonjësve të Bashkisë në mbledhjet e Komisioneve të Përhershme të.
9. Ankesat për çështje për të cilat është i hapur një proces gjyqësor.
10. Ankesat për çështjet dhe ngjarjet që kanë ndodhur më shumë se dymbëdhjetë muaj para marrjes apo rregjistrimit të të ankesës. Sekretari në konsultim me Kryetarin, me menaxherët e lartë dhe zyrën juridike të Bashkisë, kur është e përshtatshme, mund të përdorë diskrecionin për të vendosur përjashtime nga ky rregull. Arsyet e mundshme për



pranimin e një ankesë pas një viti përfshijnë një ose më shumë nga sa vijon: moshë e ankuesit, vonesa e dërgimit të ankesës ishte përtej kontrollit të ankuesit, faktin që provat e reja janë bërë të disponueshme.

11. Ankesat e punonjësve të bashkisë apo të institucioneve dhe ndërmarrjeve në varësi të Bashkisë për kushtet e punësimit, kushtet e punës ose çështjet e menaxhimit të personelit të cilat përdoren procedurat e ligjit për kodin e punës apo ligjit për nëpunësin civil.
12. Ankesat ndaj një punonjësi dhe nëpunësi civil të Bashkisë, për trjajtën e të cilave është përgjegjëse drejtoria e menaxhimit të personelit përmes procedurave të menaxhimit të personelit, përfshirë kërkesat e Ligjit "Për Nëpunësin Civil".
13. Çështjet që kanë lidhje me pretendimet për siguracionet.
14. Ankesat që parashtrihen në mënyrë anonime. Gjithësesi, Sekretari ruan të drejtën të verifikojë, nëse e sheh të asyeshme, çështjet e përmendura në ankesat e dërguara në mënyrë anonime.
15. Ankesat nga punonjësit e Bashkisë në lidhje me çështjet e punonjësve të Bashkisë.
16. Ankesat për mashtrim ose korrupsion, pasi ato janë objekt i dokumentit të politikës së Këshillit për mashtrimin dhe korrupsionin, i Ligji "Për sinjalizuesit", si dhe i legjislacioni tjetër në fuqi.
17. Ankesat në lidhje me një politikë të miratuar nga Këshilli.
18. Ankesat ndaj veprime kriminale.
19. Kërkesa për marrjen e një shërbimi nga Bashkia.
20. Ankesat për çështje që janë funksion i agjencive të tjera qeveritare.
(Etj, sipas vendimit të Këshillit)

Neni 15

Prezumimi për llogaritjen e afatit të dorëzimit të ankesës

1. Data e paraqitjes së ankesës, për efekt të llogaritjes së afateve procedurale të kësaj rregullore, konsiderohet ajo e:
 - a. depozitimit të ankesës në postë, kur kërkesa dërgohet me postë të porositur;
 - b. depozitimi i ankesës pranë ZIN qëndor apo në NjA;
 - c. regjistrimit nga pajisja përkatëse për marrjen e mesazheve elektronike, nëse ankesa dërgohet me postë elektronike, me telefon apo nëpërmjet aplikacionit në faqen e internet të bashkisë.
2. Nëse ankesa e dërguar nuk është një dokument i lexueshëm, Këshilli njofton pa vonesë dërguesin duke i kërkuar ta ridërgojë ankesën, dhe data e marrjes përfundimtare të ankesës, sipas pikës 1 më sipër, është data e re e marrjes së ankesës.
3. Data e parashikuar në pikën 1, të këtij neni, konsiderohet edhe si data kur ka ndodhur ngjarja, e cila përjashtohet si datë për efekt të llogaritjes së afateve¹³ që ecin kundër Këshillit Bashkiak. Kur data e fundit e një afati bie e shtunë, e diel ose një ditë feste zyrtare, afati mbaron në ditën e punës që vjen pas saj.

¹³ Ligji nr. 44/2015 "Kodi i procedurave administrative, neni 56.



Neni 16

Kontaktet për dërgimin e ankesës

Kontaktete për dërgimin e ankesës për shqyrtim tek Këshilli Bashkiak, janë:

1. Email: ankesat@keshillibashkiakroskovec.gov.al
2. Faqja e internetit e Bashkisë (aplikacioni tek ndërfaqja e Këshillit): www.bashkiaroskovec.gov.al
3. Zyra me Një Ndalesë e Bashkisë, pranë Bashkisë Roskovec.
4. Tel: _____
5. Cel: _____

KREU II

PROCEDURAT E MENAXHIMIT TË ANKESAVE

Neni 17

Pranimi dhe regjistrimi i ankesës

1. Ankesa me shkresë drejtuar Këshillit regjistrohet pranë zyrës së protokollit të Bashkisë dhe i dërgohen Sekretarit të Këshillit.
2. Për secilën ankesë caktohet një numër rendor dhe kod.
3. Në raste e dërgimit të ankesës nëpërmjet kanaleve elektronike, ankuesit i dërgohet një njoftim automatik elektronik për marrjen e ankesës nga Këshilli, si dhe kodi i ankesës.

Neni 18

Vendimi për përjashtimin e ankesës nga trajtimi

1. Vendimi për të përjashtuar një ankesë nga procesi i trajtimit merret nga Kryetari me propozim edhe të Sekretarit. Sekretarit këshillohet me juristin e sekretariatit të Këshillit, dhe nëse e vlerëson të nevojshme edhe me drejtorinë juridike të Bashkisë, përpara se të propozojë përjashtimin e një ankesë nga procesi i trajtimit. Ankuesi do të informohet për arsyet e refuzimit dhe të drejtës së tij/saj për t'iu drejtuar Avokatit të Popullit apo një organi tjetër publik.

Neni 19

Vlerësimi i ankesave

1. Vlerësimi i ankesave bëhet nga Sekretari i Këshillit dhe ka parasysh dhënjen e përgjigjes paraprake, apo kalimin e çështjes për procedurë hetimi.
2. Sekretari gjatë vlerësimit ka parasysh edhe sa më poshtë:
 - a. sa serioze, e ndërlikuar apo urgjente është ankesa;
 - b. nëse ankesa ngre shqetësime për shëndetin dhe sigurinë e njerëzve;



- c. se sa preket drejtpërdrejt personi që bën ankesën;
- d. rreziqet e përfshira nëse zgjidhja e ankesës është e vonuar;
- e. nëse zgjidhja e ankesës kërkon përfshirjen e ekzekutivit të Bashkisë apo të agjencive të tjera jashtë bashkisë;
- f. nëse shkresa apo dokumenti elektronik drejtuar Këshillit është ankesë edhe nëse nuk është emërtuar si e tillë nga ankuesi.

Neni 20

Njoftimi i futjes së ankesës në procedurën e shqyrtimit

1. Këshilli, nëpërmjet Sekretarit, brenda tre apo pesë (3 apo 5) ditëve pune, njofton futjen e ankesës në procedurën e shqyrtimit (Shtojca nr. 2, model njoftimi). Ky njoftim i dërgohet ankuesit nga Sekretari sipas mënyrës së kontaktit të kërkuar nga ankuesi, ose në mungesë të kësaj mënyre, Sekretari përcakton nëse do e dërgojë njoftimin nëpërmjet zyrës postare apo me postë elektronike, apo sipas një mënyre tjetër me anë të të cilës ankuesi ka dërguar ankesën. Në njoftim specifikohet kodi i ankesës dhe afati i pritshëm i përgjigjes së Këshillit për ankesën.
2. Në rast kur ankesa është vlerësuar për t'u futur në procedure hetimi, në njoftimin që Sekretari i dërgon ankuesit, citohet emrin dhe mbicimin, pozicioni dhe kontaktet zyrtare të punonjësit i cili/a do të hetojë ankesën si dhe afati i pritshëm i përgjigjes së Këshillit për ankesën.
3. Sekretari e njofton ankuesin në rastin kur ankesa i është dërguar për shqyrtim ekzekutiv të Bashkisë, apo një agjencie tjetër jashtë Bashkisë, ku dhe specifikon numrin e protokollit dalës të shkrësës përcjellëse të ankesës (Shtojca nr. 4, model shkrësë drejtuar ankuesit për delegimin e ankesës).
4. Nëse ankesa është vlerësuar si jo vlefshme, sipas parashikimeve të nenit 13 të kësaj rregulloreje, Sekretari njofton ankuesin, brenda tre apo (3 apo 5) ditëve pune, ku dhe i shpjegohet arsyet e një vlerësimi të tillë.

Neni 21

Shpërndarja e ankesave

1. Shpërndarja e ankesave që i drejtohet Këshillit bëhet nga Sekretari në këshillim me Kryetarin e Këshillit apo kryetarët e Komisioneve të Përhershme.
2. Nëse ankesa vlerësohet se duhet të shqyrtohet dhe i duhet dhënë përgjigje nga ekzekutivi i Bashkisë, një institucion apo ndërmarrje në varësi të bashkisë, apo nga një agjenci tjetër qeveritare, Sekretari i dërgon ankesën nëpërmjet zyrës së protokollit të Bashkisë (Shtojca nr. 5, model shkrësë).
3. Sekretari, sipas nevojës, i dërgon kopje (elektronike) të ankesës, drejtorive të administratës së Bashkisë apo institucioneve dhe ndërmarrjeve publike në varësi të Bashkisë, dhe kërkon prej tyre mendim për çështjen e specifikuar në ankesë.
4. Sekretari, në çdo mbledhje të Këshillit i njofton Këshilltarët numrin e ankesave drejtuar Këshillit, në muajin përkatës.



5. Sekretari i vë në dispozicion Këshilltarëve, sipas kërkesës, një kopje të listës së ankesave drejtuar Këshilli në muajin përkatës. Në çdo rast Këshilltarët mund të qasen në listën e ankesave, nëpërmjet regjistrit elektronik të ankesave.

Neni 22

Zgjidhja paraprake e ankesës

1. Zgjidhja paraprake e ankesave bëhet nga Sekretari me procedure jo formale, përveç rastit të ankesave ndaj anëtarëve të Këshillit.
2. Sekretari i dërgon punonjësit përkatës të sekretariatit të Këshillit ankesën për vlerësim, dhe merr në konsideratë konkluzionet e tij/saj në hartimin e përgjigjen paraprake.
3. Sekretari komunikon me shkresë me drejtorët e administratës së Bashkisë, apo titullarët e institucioneve apo ndërmarrjeve të varësisë së Bashkisë për të marrë shpjegime për çështjen e trajuar në ankesë.
4. Sekretari brenda pesë (5) dite pune i dërgon përgjigje ankuesit, ku sqaron se nëse ankuesi është i pakënaqur me përgjigjen mund t'i kërkojë Këshillit hetim të mëtejshëm në lidhje me ankesën.

Neni 23

Hetimi i mëtejshëm i ankesës

1. Nëse ankuesi nuk është i kënaqur me përgjigjen paraprake të dhënë nga Sekretari për ankesën të bërë, apo nga Kryetari i Këshillit në rastin e ankesave ndaj Këshilltarëve, ankuesi kërkon një hetim të mëtejshëm të çështjes për të cilën është ankuar.
2. Sekretari njofton ankuesin së ankesa e tij/saj është kaluar për hetim të mëtejshëm sipas procedurës formale, dhe specifikon gjithashtu një datë kur ankuesi mund të presë një përgjigje.
3. Hetimi i mëtejshëm bëhet sipas procedurës së mëposhtme:
 - a. Kryetari i Këshillit përcakton grupin që do të hetojë çështjen.
 - b. Grupi kryen hetim, përfshirë këqyrjen në vend të akteve, fakteve apo dokumenteve që kanë lidhje me çështjen që hetohet.
 - c. Grupi kërkon shpjegime me shkrim nga çdo njësi e administratës së Bashkisë, institucion apo ndërmarrje në varësi të Bashkisë, si dhe merre prej tyre një kopje të çdo dokumenti që ka lidhje me hetimin.
 - d. Grupi merr në pyetje çdo punonjë të administratës së Bashkisë, apo institucion apo ndërmarrje të varësisë, që gjykohet sa ka lidhje me çështjen nën hetim;
 - e. Grupi kryen ose kërkojnë ekspertiza nga punonjësit e administratës apo nga jashtë.
 - f. Në të gjitha raste Këshilli njofton Sekretarin e Përgjithshëm të Bashkisë kur kërkon marrje të dokumentacionit apo marrje në pyetje të punonjësve të administratës së Bashkisë, apo titullarin e institucionit apo drejtorin e ndërmarrjes bashkiake për rastet kur kërkon marrje të dokumentacionit apo marrje në pyetje të punonjësve.
4. Grupi ka të drejtë për të kërkuar informacione apo dokumente nga ekzekutivi i Bashkisë

5. Pas përfundimeve të hetimit, Sekretari I dërgon përgjigje ankuesit, ku i sqarohet:
 - a. se të drejtat e tij/saj nuk janë shkelur,
 - b. zgjidhja që i është dhënë çështjes objekt ankimi,
 - c. paraqet rekomandime për vënien në vend të së drejtës së shkelur, të cilat i janë dërguar organit administrative përgjegjës, që, sipas tij/saj ka shkaktuar shkelje të të drejtave të ankuesit apo dëmtuar interes të tij/saj.
6. Afati i dërgimit të përgjigjes është 25 ditë nga regjistrimi i ankesës.

Neni 24

Rishikim i brendshëm i trajtimit të ankesës

1. Kryetari ngen një grup për rishikim i brendshëm të ankesës. Grupi përbëhet nga minimum një Këshilltar dhe Sekretari/ apo një punonjës i sekretariatit. Anëtarët e grupit nuk duhet të kenë qënë të përfshirë më parë në trajtimin e të njëjtës ankesë.
2. Grupi do të vlerësojë nëse ankesa është trajtuar sipas rregullave dhe procedurave të kësaj rregulloreje dhe legjislacionit në fuqi dhe nëse gjatë shqyrtimit të ankesës në fazën e dytë, personat përgjegjës kanë marrë vendimin apo ndërmarrë veprimin e gabuar.
3. Vendimi me përgjigjen e ankesës firmoset nga Kryetari i Këshillit dhe i dërgohet ankuesit nëpërmjet Sekretarit, jo më vonë se 25 ditë nga data e fillimit të procesit të rishikimit, në të kundërt ankuesit i dërgohen njoftim për vonesën e përgjigjes ku sqarohen edhe arsyt e vonesës.
4. Nëse ankesa vlerësohet e drejtë, në vendim dërguar ankuesit shpjegohen edhe masat e marra për adresimin e çështjes objekt të ankimit.

Neni 25

Bashkëpunimi me ankuesin

1. Përgjatë procesit të trajtimit të ankesës, Këshilli kujdeset që:
 - a. Sekretari i telefonon ankuesin për çdo sqarim të nevojshme, duke përfshirë, kur është e përshtatshme, edhe takim me ankuesin për të kuptuar plotësisht se çfarë vendimi apo veprimi ai/jo pret që Këshilli të ndërmarrë për të trajtuar ankesën me efektivitet, drejtësi dhe paanshmëri.
 - b. Këshilli, nëpërmjet Sekretarit apo regjistrarit elektronik të ankesave, i mundëson ankuesit informacion për përditësuar për secilin hap të ndërmarrë në procesin e shqyrtimit të ankesës, dhe e njofton ankuesin për çdo vonesë.
2. Në çdo rast Sekretari njofton ankuesin për datën kur mund të presë përgjigjen e hetimit apo rishikimit të brendshëm, si dhe për rastet e shtyrjes së datë së kthimit të përgjigjes, duke specifikuar arsytet e vonesës.

Neni 26



Hartimi i përgjigjes

1. Hartimi i përgjigjes për ankesën bëhet nga Sekretari në këshillim me juristin e sekretariatit të Këshillit.
2. Dërgimi nga Sekretari i përgjigjes së ankesës bëhet sipas formatit të paraqitur në shtojcën nr. 3.

Neni 27

Kontrolli i cilësisë së përgjigjes

1. Kontrolli i cilësisë së përgjigjes së ankesës bëhet nga jursiti i sekretariatit të Këshillit (nëse ka), dhe nëse është e nevojshme projekt përgjigjia i dërgohet nga Sekretari për vlerësim juridik edhe drejtorit të drejtorisë juridike të Bashkisë.
2. Drejtorit i drejtorisë juridike të Bashkisë jep me shkrim sugjerimet për përgjigjen e hartuar nga Sekretari i Këshillit, jo më vonë se pesë (5) ditë nga dërgimi i kërkesë me protokoll të brendshëm të Bashkisë, përgjigje e cilat vlerësohet dhe reflektohet nga Sekretari në përgjigjen përfundimtare që i dërgon ankuesit.

Neni 28

Dorëzimi i përgjigjes:

1. Përgjigjia e ankesës i dërgohen ankuesit sipas mënyrës së specifikuar në ankesë. Nëse ankuesi nuk ka specifikuar në ankesë mënyrën e marrjes së përgjigjes, përgjigjia i dërgohet sipas mënyrës që ankuesi ka dërguar ankesën dhe përgjigjia jepet në mënyrën më të efektshme dhe me koston më të ulët për Bashkinë.
2. Sekretari në të gjitha shkresat e përgjigjeve specifikohet kodi e ankesës.
3. Nëse ankuesi paraqitet pranë ZIN për marrjen e përgjigjes, ai/ajo nënshkruan dokumentin që vërteton marrjen e përgjigjes nga ana e tij/saj.

Neni 29

Ankesa e paraqitur nepërmjet këshilltarit

1. Ankesa mund të paraqitet edhe nga një Këshilltar Bashkiak, i cili/a e paraqet në mbledhjen e Këshillit apo të Komisionit të Përhershëm ku është anëtar, dhe ankesa shqyrtohet sipas rregullave të zhvillimit të mbledhjes së Këshillit.
2. Në çdo rast, Këshilltari i kërkon Sekretarit regjistrimin e ankesës në regjistrin e ankesave drejtuar Këshillit.

Neni 30

Sjellja e paarsyeshme e ankuesit

1. Sjellja e paarsyeshme e ankuesit është sjellja nga një ankuesi aktual ose e një ish ankues, e cila për shkak të natyrës ose shpeshtësisë së kësaj sjellje, krijon probleme të mëdha në lidhje me shëndetin dhe sigurinë e punonjësve, keqpërdorimin e burimeve njetëzore dhe



financiare të Bashkisë, si dhe krijon problem në lidhje me barazisë e palëve në ankesë dhe me përdoruesit e tjerë të shërbimeve të Bashkisë.

2. Sjelljet e paarsyeshme të ankuesit përfshijnë:
 - a. Këmbëngulje e paarsyeshme: në këtë rast ankuesi vazhdon me çështjen e tij/saj edhe pse ajo çështje është trajtuar deri në përfundim, si dhe refuzon të pranojë vendimet përfundimtare të dërguara duke ridërguar ankesën disa herë.
 - b. Kërkesa të paarsyeshme: në këtë rast ankuesi insiston në rezultate që dëshiron por që janë të paarrtshme, duke ndryshuar elementët e kërkesës apo duke kërkuar që ankesa të trajtohen në mënyrë të veçantë.
 - c. Mungesa e paarsyeshme e bashkëpunimit: në këtë rast ankuesi ofron informacione të të paqarta dhe të pasakta, të tepërta ose të parëndësishme, duke mos qenë i gatshëm të marrë në konsideratë këndvështrime të tjera të vlefshme që i paraqiten nga Bashkia, refuzon të dërgojë dokumente apo sqarime të kërkuara nga Bashkia, apo refuzon të bëjë sqarimet e kërkuara në lidhje me çështjen e ankesës.
 - d. Argumente të pa arsyeshme: në këtë rast ankuesi parashtron argumente në lidhje me shkak pasojë aty ku nuk ka në të vërtetë, duke pretenduar teori konspirative të pambështetura në prova, dhe duke interpretuar në mënyrë të parregullit fakte ose ligje, si dhe duke refuzuar të pranojnë interpretime të tjera më të arsyeshme.
 - e. Sjelljet e paarsyeshme: në këtë rast ankuesi paraqet sjellje zemërimi ekstrem, agresivitet, kërcënime ose sjellje të tjera kërcënuese apo të dhunshme.

Neni 31

Bashkëpunimi i Këshillit me ekzekutivin e Bashkisë në trajtimin e ankesave

1. Sekretari i Këshillit bashkëpunon ngushtë me ekzekutivin e Bashkisë në procesin e trajtimit të ankesave drejtur Këshillit.
2. Ekzekutivin e Bashkisë i vë dispozicion Këshillit këshillim, intervista dhe dokumentacion që disponon përgjatë procesit të trajtimit të ankesave.

Neni 32

Regjistri i Ankesave

1. Regjistri i ankesave mbahet dhe përditësohet nga Sekretari apo nga punonjësi i sekretariatit (nëse ka) i caktuar nga Sekretarit.
2. Të dhënat minimale që regjistrohen për ankesat janë:
 - a. Numri unik i ankesës
 - b. Mënyra e marrjes së ankesës (shkresë, email, cel, ZIN, faqja e internet e Bashkisë)
 - c. Data e regjistrimit të ankesës
 - d. Të dhënat e ankuesit (Emri, adresa, të dhënat e kontaktit)
 - e. Lloji i ankesës
 - f. Kategoria/ nën kategoria e ankesës (kodi i nënkategorisë)



- g. Çështja për të cilën bëhet ankesë
 - h. Nëse ankesa është për një çështje emergjente (PO/JO)
 - i. Adresa ku gjendet problemi sipas ankuesit
 - j. Organi/drejtoria/ punonjësi që i është dërguar çështja për shqyrtim dhe data e dërgimit të ankesës
 - k. Data e kontaktimit të ankuesin në rast të kërkesës për marrje të informacionit apo dokumenteve shtesë
 - l. Mënyra e trajtimit të ankesës (zgjedhja paraprake, hetim i brendshëm, rivlerësim i brendshëm)
 - m. Statusi i trajtimit të ankesës (në shqyrtim, përfunduar)
 - n. Numri unik/ kodi i përgjigjes
 - o. Data e dërgimit të përgjigjes
 - p. Mënyra e dërgimi të përgjigjes (shkresë, me postë, email, ocl)
 - q. Periudha e trajtimit të ankesës (ditë)
 - r. Data e apelimit të përgjigjes së Këshillit tek Komisioneri (nëse ka patur apelim)
 - s. Numri dhe data e vendimi i Komisionerit (nëse ka patur apelim)
3. Regjistri i ankesave mbahet sipas formatit të paraqitur në shtojcën nr. 7.

KREU III ANKESAT PËR RASTE TË VECANTA

Neni 33

Ankesat për sjelljet e Këshilltarëve

1. Ankesat për sjelljet e Këshilltarëve i dërgohen Kryetarit të Këshillit, nëpërmjet Sekretarit.
2. Kryetari bën vlerësimin e ankesës dhe, nëpërmjet Sekretarit, i dërgon ankuesit njoftimin për fillimin e shqyrtimit të ankesës, brenda pesë (5) ditëve pune nga regjistrimi i ankesës.
3. Ankesat për sjelljet e Këshilltarëve trajtohen sipas kërkesave të Kodit të Sjelljes së Këshilltarëve.
4. Ankesat për Këshilltarët pranohen vetëm për çështje apo ngjarje që kanë ndodhur përgjatë mandatit aktual të Këshilltarit.
5. Sekretari, brenda pesë (7) ditëve nga regjistrimi i ankesës i dërgon Këshilltarit njoftimin për dorëzimin e ankesës dhe një kopje të ankesës ku nuk paraqitet emri, mbiemri dhe të dhënat e tjera të ankuesit, nëse ankuesit i pranohet konfidencialiteti. Nëse ankuesi nuk ka kërkuar konfidencialitet, Sekretari i dërgon Këshilltarit një kopje të plotë të ankesës. Këshilltari, brenda pesë (5) ditëve pune nga marrja e njoftimit nga Sekretari, dërgon një deklaratë me shpjegime në lidhje me faktet që trajton ankesa.



6. Kryetari ngrën një grup me anëtarë të Këshillit, ku përfshihen edhe anëtarë të komisionit të përhershëm për standartet e sjelljes dhe apelimet, për trajtimin e ankesës. Kryetari mund të ngrejë një grup të përzier me anëtarë Këshilli dhe persona të pavarur jashtë Këshillit. Në çdo rast personat e pavarur nuk duhet të jurnë punonjës të Bashkisë apo institucioneve apo ndërmarrjeve në varësi të Bashkisë, të jenë të familiar apo miq të afërt të njohir, eprorë, punonjës apo bashkëpronarë në pronë apo biznes të Këshilltarit, apo një person që ka qënë Këshilltar i Bashkisë përkatëse brenda pesë viteve të fundit, për të bërë trajtimin e ankesës ndaj sjelljes së Këshilltarit.
7. Grupi përgjegjës shqyrton me prioritet çdo kërkesë nga ankuesi për ruajtjen e konfidencialitetit. Nëse ankuesit i refuzohet konfidencialiteti, ankuesit i jepet mundësia që të tërheqë ankesën përpara se të informohet anëtari i Këshillit për ankesën. Nëse ankuesi nuk ka bërë kërkesë për konfidencialitet, Sekretari i dërgon një kopje të ankesës Këshilltarit ndaj të cilit është bërë ankesa.
8. Vendimi me përgjigjen e ankesës i firmoset nga Kryetari i Këshillit dhe i dërgohet ankuesit nëpërmjet Sekretarit, jo më vonë se 25 ditë nga data e regjistrimit të ankesës, në të kundërt ankuesit i dërgohen njoftim për vonesën e përgjigjes ku sqarohen edhe arsyet e vonesës.

Neni 34

Ankesat për mos respektimin nga kryetari i këshillit i standarteve të mbledhjes së këshillit

1. Ankesat për për mos respektimin nga Kryetari i Këshillit i standarteve të mbledhjes së Këshillit i dërgohen Kryetarit të Këshillit.
2. Ankesa shqyrtohen nga komisioni i përhershëm për standartet e sjelljes dhe apelimet.
3. Vendimi me përgjigjen e ankesës firmoset nga kryetari i komisionit të përhershëm dhe i dërgohet ankuesit nëpërmjet Sekretarit, jo më vonë se 15 ditë nga data e regjistrimit të ankesës, në të kundërt ankuesit i dërgohen njoftim për vonesën e përgjigjes ku sqarohen edhe arsyet e vonesës.
4. Nëse ankesa është vlerësuar e drejtë, në përgjigjen komisionit të përhershëm shpjegohen edhe masat e marra për adresimin e ankesës.

Neni 35

Ankesat për mos respektimin nga kryetarët e komisioneve të përhershme të standarteve të mbledhjes së komisionit

5. Ankesat për për mos respektimin nga kryetarët e komisioneve të përhershme të standarteve të mbledhjes i dërgohen Kryetarit të Këshillit.
6. Kryetari bën vlerësimin e ankesës dhe, nëpërmjet Sekretarit, i dërgon një kopje kryetarit të Komisionit të Përhershëm, brenda pesë (5) ditëve pune nga regjistrimi i ankesës.
7. Ankesat shqyrtohen nga Kryetari i Këshillit dhe dy këshilltarë të tjerë jo anëtarë të Komisionit të Përhershëm që drejton Kryetari i Komisionit ndaj të cilit është bërë ankesë.



8. Kryetari i Këshillit shqyrton me prioritet çdo kërkesë nga ankuesi për ruajtjen e konfidencialitetit. Nëse ankuesit i refuzohet konfidencialiteti, ankuesit i jepet mundësia që të tërheqë ankesën përpara se të informohet Kryetari i Komisionit për ankesën.
9. Kryetari i Komisionit, brenda pesëmbdhjetë (15) ditëve pune nga marrja e njoftimit nga Sekretari, dërgon një deklaratë me shpjegime në lidhje me faktet që trajton ankesa.
10. Vendimi me përgjigjen e ankesës firmoset nga Kryetari i Këshillit dhe i dërgohet ankuesit nëpërmjet Sekretarit, jo më vonë se 15 ditë nga data e regjistrimit të ankesës, në të kundërt ankuesit i dërgohen njoftim për vonesën e përgjigjes ku sqarohen edhe arsyet e vonesës.
11. Nëse ankesa është vlerësuar e drejtë, në vendim shpjegohen edhe masat e marra për adresimin e ankesës.

Neni 36

Ankesat për sjelljet e Sekretarit

1. Ankesat për sjelljet e Sekretarit trajtohen nga Kryetari i Këshillit.
2. Kryetari bën vlerësimin e ankesës dhe, nëpërmjet Sekretarit, i dërgon ankuesit njoftimin për fillimin e shqyrtimit të ankesës, brenda pesë (5) ditëve pune nga regjistrimi i ankesës.
3. Vendimi me përgjigjen e ankesës firmoset nga Kryetari i Këshillit dhe i dërgohet ankuesit nëpërmjet Sekretarit, jo më vonë se 15 ditë nga data e regjistrimit të ankesës, në të kundërt ankuesit i dërgohen njoftim për vonesën e përgjigjes ku sqarohen edhe arsyet e vonesës.
4. Nëse ankesa është vlerësuar e drejtë, në përgjigje shpjegohen edhe masat e marra për adresimin e ankesës.

Neni 37

Ankesat për sjelljet e punonjësve të Sekretariatit

1. Ankesat për sjelljet e punonjësve të Sekretariatit trajtohen sipas ligjit për Nëpunësin Civil.
2. Sekretari i Këshillit njofton Kryetarin e Këshillit për rezultatet e trajtimit të ankesës.

Neni 38

Ankesat për kontraktorët e shërbimeve publike bashkiake

1. Këshilli mban një nivel të përgjegjësisë për shërbimet e kryera nga kontraktorët e ofrimit të shërbimeve publike të kontraktuara me Bashkinë.
2. Çdo kontraktor do të ngrejë sistemin e trajtimit të ankesave për shërbimet publike që ofron.
3. Ankuesit mund të dërgojnë ankesat direkt kontraktorëve, dhe nëse ankuesi nuk është i kënaqur me përgjigjen e kontraktorit, mund t'i drejtohet me ankesë Këshillit për rishqyrtimin e përgjigjes të kontraktorit.



4. Në rast kur ankuesi i dërgon ankesë drejtpërdrejtë Këshillit, në lidhje me shërbimet e kontraktorit, Këshilli ia dërgon fillimisht ankesën kontraktorit.
5. Këshilli mbikëqyr sistemit e trajtimit të ankesave ndaj shërbimeve të kryer nga kontraktorit.
6. Në rastin kur kontraktari trajton ankesën, në dokumentin e përgjigjes përfshin edhe të dhënat të plota për çdo mekanizëm mbikëqyrës të Këshillit që kontraktori do t'i nënshtrohet, në lidhje me trajtimin e ankesës.
7. Të gjitha përgjigjet përfundimtare ndaj ankesave drejtuar kontraktorit, do të përfshijnë emrin dhe mbiemrin si dhe detajet e tjera të punonjësi të Bashkisë që ankuesi mund t'i përcjellë ankesën nëse ankuesi nuk është ti kënaqur me rezultatin e përgjigjes së kontraktorit.

Neni 39

Ankesat për mos zbatimin e kërkesave të njoftimit dhe konsultimit publik

1. Ankesat për mos zbatimin e kërkesave të ligjit për njoftimin dhe konsultimin publik¹⁴, që për pasojë kanë penguar mundësinë e pjesëmarrjes së publikut dhe të të gjitha palëve të interesuara në procesin e njoftimit e të konsultimit publik, kur projektakti nuk është miratuar ende, përfshirë: a) publikimin në regjistrin elektronik të projektaktit, të njoftimit për konsultim dhe të dhënave të lidhura me konsultimin e projektakteve, b) publikimin në programin e transparencës të planeve vjetore të organeve publike që lidhen me procesin e vendimmarrjes, në kuptim të këtij ligji, c) dhënien e informacionit në lidhje me procesin e njoftimit dhe të konsultimit publik në të gjitha fazat; d) afatin për dorëzimin e komenteve dhe rekomandimeve¹⁵, e) njoftimin për takime publike¹⁶, i drejtohen Kryetarit të Këshillit.
2. Kryetari ia përcjell ankesën Sekretarit për vlerësim dhe merr përgjigje nga Sekretari për shkaqet që kanë çuar në dërgimin e ankesës, veprimin apo mosveprimin e ndërmarrë nga Sekretari për njoftimin dhe konsultimin publik, si dhe masat e propozuara nga Sekretari për zgjidhjen e ankesës.
3. Kryetari vlerëson faktet e paraqitura në ankesë dhe sqarimet e Sekretarit, si dhe merr masa të menjëhershme për korrigjimin dhe reflektimin e vërejtjeve të paraqitura në ankesë, nëse ato janë të drejta. Në çdo rast, Kryetari njofton ankuesin për masat e marra brenda afatit 10 ditë pune nga regjistrimi i ankesës pranë Bashkisë, dhe e fton të japë komentet dhe rekomandimet për projektaktin.¹⁷
4. Ankuesi mund të ankohen pranë Komisionerit për të Drejtën e Informimit dhe Mbrojtjen e të Dhënave Personale, brenda 30 ditëve nga data e miratimit të aktit¹⁸.

Neni 40

¹⁴ Ligji nr. 146/2014 "Për njoftimin dhe konsultimin publik", neni 21/1/a.

¹⁵ Ligji nr. 146/2014 "Për njoftimin dhe konsultimin publik", neni 15.

¹⁶ Ligji nr. 146/2014 "Për njoftimin dhe konsultimin publik", neni 17.

¹⁷ Ligji nr. 146/2014 "Për njoftimin dhe konsultimin publik", neni 21/2.

¹⁸ Ligji nr. 146/2014 "Për njoftimin dhe konsultimin publik", neni 21/1/b.



Ankesat për mos zbatimin nga sekretari të kërkesave për të drejtën e informimit

1. Ankesat për mos zbatimin nga Sekretari të kërkesave për të drejtën e informimit, i drejtohen Kryetarit.
2. Ankesat kanë të bëjnë me rastet kur:
 - a. është bërë shkelje e kërkesave të ligjit për të drejtën e informimit,¹⁹
 - b. Sekretari ka marrë e vendimi për mos dhënie të informacionit,
 - c. ankuesi ka vlerësuar se informacioni faktik i dhënë nga Këshilli, nëpërmjet Sekretarit, është i pasaktë ose i paplotë,
 - d. Sekretari ka dështuar në dhënien e informacionit të kërkuar,
 - e. Sekretari ka vonuar dhënjen e informacionit të kërkuar.
3. Kryetari ia përcjell ankesën Sekretarit për vlerësim dhe merr përgjigje nga Sekretari për shkaqet që kanë çuar në dërgimin e ankesës, veprimin apo mosveprimin e ndërmarrë nga Sekretari për kërkesën për informim të ankuesit, si dhe masat e propozuara nga Sekretari për zgjidhjen e ankesës.
4. Kryetari vlerëson faktet e paraqitura në ankesë dhe sqarimet e Sekretari, si dhe merr masa të menjëhershme për korrigjimin dhe reflektimin e vërejtjeve të paraqitura në ankesë, nëse ato janë të drejta. Në çdo rast, Kryetari njofton ankuesin për masat e marra brenda afatit 15 ditë pune nga regjistrimi i ankesës pranë Bashkisë.
5. Çdo person, kur çmon se Këshilli Bashkiak i janë shkelur të drejtat e parashikuara nga Ligji për të Drejtën e Informimit, ka të drejtë të ankohet në rrugë administrative pranë Komisionerit për të Drejtën e Informimit dhe Mbrojtjen e të Dhënave Personale, në përputhje me këtë ligj dhe Kodin e Procedurave Administrative.²⁰

KREU IV

LLOGARIDHËNJA DHE PERFORMANCA E TRAJTIMIT TË ANKESAVE

Neni 41

Monitorimi i sistemit të menaxhimit të ankesave

1. Këshilli, nëpërmjet Sekretarit, monitoron performancën e sistemit të menaxhimit të ankesave drejtuar Këshillit, me qëllim për të:
 - a. siguruar efektivitetin në dhënjen e përgjigjeve dhe zgjidhjen e ankesave
 - b. identifikuar dhe korrigjuar mangësitë në funksionimin e sistemit.
2. Këshilli ndërmer një sondazhet vjetor të kënaqësisë së ankuesave me sistemin e menaxhimit të ankesave dhe të mjeteve dhe njoftimeve për ankesat të bërë nga Këshilli në ndërfaqenzyrtare të internetit të Këshillit.
3. Raporti i sondazhit i paraqitet Këshillit dhe bëhet publik në faqen e internetit të Bashkisë

¹⁹Ligji nr. 119/2014 "Për të drejtën e informimit"

²⁰Ligji nr. 119/2014 "Për të drejtën e informimit", neni 24



Neni 42

Përmirësimi i sistemit të trajtimit të ankesave

1. Sistemi i trajtimit të ankesave është i hapur për verifikim dhe vlerësim nga qytetarët, publiku, punonjësit e Bashkisë dhe Komisionerët, dhe angjeksi të tjera të ngakuara me ligj.
2. Sistemi i trajtimit të ankesave është i hapur për auditim dhe Këshilli miraton planet dhe masat e propozuara për adresimin e mangësive dhe problematikave të sistemit të identifikuar nga raporti i auditimit.

Neni 43

Vlerësimi dhe raportimi për performancën e trajtimit të ankesave

1. Raportimi mbi performancën e trajtimit të ankesave dokumenton: sistemin e ankesave, ankesat sipas kategorive të çështjeve, gjeografinë e ankesave, karakteristikat e ankuesve, shpeshësinë e llojeve të ankesave, analizën e rezultateve të trajtimit të ankesave, prirjet, shërbimet e përmirësuara si pasojë e ankesave, numrin e ndryshimeve të bëra në sistemi e trajtimit të ankesave si rezultat i ankesave, etj. gjetjet dhe rekomandimet (Shtojca nr. 8 model struktura dhe të dhënat e raportit për ankesat).
2. Këshilli miraton treguesit e performancës për vlerësimin e performancës së sistemit të trajtimit të ankesave drejtuar Këshillit. Disa tregues kyç të performancës janë:
 - a. ankesat që janë pranuar dhe ato që janë refuzuar
 - b. performanca ndaj afateve të përcaktuara nga kjo rregullore për kthimin e përgjigjeve
 - c. koha mesatare për t'u përgjigjur ankesave
 - d. numri i ndryshimeve të bëra në shërbimet e Bashkisë si rezultat i ankesave
 - e. numri i ndryshimeve të bëra në sistemi e trajtimit të ankesave si rezultat i ankesave
 - f. numri i rezultateve të ankesave të kaluara për rishikim të brendshëm
 - g. kënaqësia e qytetarëve me sistemin e trajtimit të ankesave
 - h. ankesat e kaluara Komisionerëve apo Avokatit të Popullit, nga ankuesit
3. Sekretari, me mbështetje e specialistit për komunikimin me publikun të Sekretariatit, përgatit raportin 6-mujor dhe vjetor bazuar në treguesit e performances të miratuara nga Këshilli.
4. Raporti firmoset nga Kryetari dhe i paraqitet Këshillit.
5. Raporti vjetor publikohet nga Sekretari në faqen zyrtare të internetit të Bashkisë.
6. Këshilli shprehet me vendim për marrjen e masave për adresimin e rekomandimeve të bëra nga raporti.



Neni 44

Pranimi dhe i shqyrtimi i vërejtjeve

1. Çdo qytetar, grup qytetarësh, grup që përfaqëson komunitete apo organizata joqeveritare ka të drejtë t'i dërgojë vërejtje Këshillit Bashkiak për çështje që lidhen me funksionet dhe kompetencat në juridiksionin e Këshillit Bashkiak.
2. Këshillit Bashkiak është i detyruara të marrë në shqyrtim vërejtjet.
3. Shqyrtimi i vërejtjeve bëhet nga Kryetari i Këshillit dhe nga kryetarët e komisioneve të përhershme të Këshillit, sipas fushës së veprimtarisë së komisioneve.
4. Vërejtjet që kanë të bëjnë më punën dhe veprimtarinë e Këshillit shqyrtohen nga Kryetari i Këshillit.
5. Vërejtjet dorëzohen me postë, tek ZIN i Bashkisë, me email apo nëpërmjet platformës elektronike në faqen e internetit të bashkisë. Në rast se vërejtja dorëzohet me postë apo tek ZIN dërguesi shënon emrin dhe mbiemrin dhe adresën plotë të banimit dhe e nënshkruan shkresën. Në rast se vërejtja dorëzohet me email apo përmes platformës elektronike, dërguesi shënon emrin dhe mbiemrin dhe adresën plotë të banimit.
6. Vërejtja mund të dorëzohet edhe një Këshilltari Bashkiak, i cili e paraqet në mbledhjen e Këshillit apo të komisionit të përhershëm, sipas rregullave të rregullores së brendshme të funksionimit të Këshillit.
7. Kryetari i Këshillit, nëpërmjet Sekretarit, bën shpërndarjen e vërejtjeve tek kryetarët e komisioneve të përhershme.
8. Kryetari i Këshillit apo kryetari i komisionit të përhershëm mund të vendosë të paraqesë vërejtjen në mbledhjen e Këshillit sipas rregullave të rregullores së brendshme të funksionimit të Këshillit.
9. Kthimi i përgjigjeve bëhet jo më vonë se tridhjetë (30) ditë nga marrja apo regjistrimi i vërejtjes, dhe përgjigje dërgohen në adresën e dërguesit apo sipas mënyrës që ka kërkuar ky i fundit.
10. Vërejtjet që dërgohen të panënshkruara nuk i kthehet përgjigje.
11. Vërejtjet anonime nuk i përcillen Kryetarit të Këshillit, por Sekretari i arkivon në një dosje të veçantë, e cila është e hapur për inspektim nga çdo anëtar i Këshillit. Sekretari një herë në katër (4) muaj njofton Kryetarin për numrin e vërejtjeve anonime të ardhura në adresë të Këshillit.
12. Sekretari ndërton dhe mirëmban regjistrin elektronik të vërejtjeve të cilave i është kthyer përgjigje nga Kryetari i Këshillit dhe kryetarët e komisioneve të përhershme.



KERKESAT, PETICIONET, INICIATIVAT QYTETARE

Tabela e përmbajtjes

TITULLI III. KERKESAT, PETICIONET DHE INICIATIVAT QYTETARE.....	32
KREU II. SHQYRTIMI I KERKESAVE DHE PETICIONEVE	32
E drejta e paraqitjes dhe marrjes në shqyrtim të kërkesave dhe peticioneve.....	32
Marrja dhe shqyrtimi i kërkesave	32
E drejta e paraqitjes dhe marrjes në shqyrtim të peticionit.....	33
Çështje për të cilat mund t'i drejtohesh këshillit me peticion.....	33
Parashtruesit e peticionit.....	34
Mënyra dhe forma e paraqitjes së peticionit.....	34
Peticionet për ngritjen e mekanizmave pjesëmarrës të publikut.....	36
Arsyet e refuzimit të peticioni për shqyrtim në këshill.....	36
Përgatitja e peticionit.....	37
Regjistrimi i peticionit.....	37
Nënshkrimi i peticionit.....	38
Tërheqja e peticionit dhe e nënshkrimit.....	38
Vlerësimi dhe verifikimi i vlefshmërisë së peticionit.....	39
Publikimi i peticionit.....	40
Peticione të zakonshme.....	40
Peticione që shqyrtohen me debat në mbledhjen e një komisioni përhershëm.....	41
Peticione që shqyrtohen me debat në mbledhjen e këshillit.....	41
Mbledhja e nënshkrimeve elektronike.....	41
Shqyrtimi i peticionit në mbledhjen e këshillit.....	42
Veprimet e këshillit me peticionet.....	43
Kërkesa e peticionit për mbajtjen e takimit publik.....	44
Mbajtja e takimit publik për peticionin.....	44
Peticioni në lidhje me një çështje që është në proces këshillimi publik.....	45
Ankesa ndaj vendimit të këshillit për peticionin.....	45
KREU III. INICIATIVA QYTETARE.....	46
E drejta e iniciativës qytetare.....	46
Objekti i iniciativës qytetare.....	46
Çështjet e iniciativës qytetare.....	46
Mbulimi territorial i iniciativës qytetare.....	47
Parashtruesit e iniciativës qytetare.....	47
Mënyra dhe forma e paraqitjes së peticionit për iniciativë qytetare.....	48
Përgatitja e Peticionit.....	48
Regjistrimi i peticionit për iniciativë qytetare.....	49
Vlerësimi paraprak i peticionit.....	49
Publikimi i kërkesës së peticionit.....	49



Afati për mbledhjen e nënshkrimeve për iniciativën	50
Grupet e mbledhjes së nënshkrimeve	50
Mbledhja e nënshkrimeve për peticionit.....	50
Mbledhja e nënshkrimeve elektronike.....	51
Mjediset për mbledhjen e nënshkrimeve	52
Dorëzimi i peticionit për iniciativë për shqyrtim nga këshilli bashkiak	52
Verifikimi dhe vlefshmeria e peticionit	53
Tërheqja e iniciativës qytetare dhe nënshkrimit	54
Depozitimi i iniciativës qytetare pranë këshillit bashkiak	55
Këshillimi publik për iniciativën qytetare.....	55
Konsultimi me kryetarin e bashkisë për iniciativën qytetare.....	55
Paraqitja dhe shqyrtimi i iniciativës në mbledhjen e këshillit	56
Ankimi ndaj vendimeve të bashkisë në lidhje me peticionin për iniciativë qytetare.....	56
Mbështetja financiare për iniciativën.....	56
Mbështetja e bashkisë për iniciativën	57
Transparenca dhe llogaridhënja për iniciativën qytetare	57
Administrimi i dokumentacionit të kërkesave, peticioneve dhe iniciativave qytetare.....	57
Raporti për Peticionet	58
Sanksionet.....	58
TITULLI IV. TË DHËNAT PERSONALE	58
KREU I. MBROJTJA E TË DHËNAVE PERSONALE	58
Ruajtja e konfidencialitetit të të dhënave të ankuesit.....	58
Ruajtja e privacisë dhe konfidencialitetit të të dhënave të nënshkruesve të peticionit	59
KREU II. DISPOZITAT KALIMTARE	59
Miratimi i rregullores.....	59
Seanca këshilli me publikun për projekt rregulloren	59
Hyrja në fuqi e rregullores	59
SHTOJCAT.....	60
Shtojca nr. 9 Format i Peticionit drejtuar Këshillit Bashkiak	69
Shtojca nr. 10 Model Peticioni për Iniciativë Qytetare drejtuar Këshillit Bashkiak.....	70
Shtojca nr. 11 Model i shkresës përmbledhëse e peticionit drejtuar Këshillit Bashkiak	71
Shtojca nr. 12 Model i deklaratës së angazhimit të mbledhësit të nënshkrimeve.....	72
Shtojca nr. 13 Model i regjistrit të peticioneve dhe nismave qytetare	73

TITULLI III

KERKESAT, PETICIONET DHE INICIATIVAT QYTETARE

KREU II

SHQYRTIMI I KERKESAVE DHE PETICIONEVE

Neni 45

E drejta e paraqitjes dhe marrjes në shqyrtim të kërkesave dhe peticioneve

Çdo qytetar apo grup që përfaqëson komunitetin ka të drejtë t'i drejtojë kërkesa këshillit bashkiak për çështje që lidhen me funksione dhe kompetenca në juridiksionin e bashkisë. Këshilli bashkiak është i detyruara të marrë në shqyrtim kërkesat dhe të kthejë përgjigje brenda afateve të përcaktuara me ligj,²¹ dhe më këtë rregullore.

Neni 46

Marrja dhe shqyrtimi i kërkesave

1. Çdo qytetar që banon, punon apo studion në territorin e Bashkisë, apo çdo grup që përfaqëson komunitete ka të drejtë t'i dërgojë kërkesë Këshillit Bashkiak.
2. Qytetarët dhe grupet që përfaqësojnë komunitetet mund t'i dërgojnë Këshillit kërkesa për çështje që:
 - a. lidhen me përgjegjësitë ligjore të Këshillit
 - b. i ndikojnë bashkësisë dhe territorit të bashkisë, dhe për të cilat Këshilli është në gjendje të ushtrojë njëfarë ndikimi për zgjidhjen e këtyre çështjeve.
3. Këshilli Bashkiak është i detyruara të marrë në shqyrtim kërkesat. Në rast se kërkesa paraqitet në formën e një peticioni, shqyrtimi i kërkesës bëhet sipas dispozitave për peticionet, të kësaj rregulloreje.
4. Shqyrtimi i kërkesat bëhet nga Kryetari i Këshillit dhe nga kryetarët e komisioneve të përhershme të Këshillit, sipas fushës së veprimtarisë së komisioneve.
5. Kërkesat që kanë të bëjnë më punën dhe veprimtarinë e Këshillit shqyrtohen nga Kryetari i Këshillit.
6. Këshilli mund të refuzojë shqyrtimin e kërkesave në rastet e përmendura në nenin 52, pikat a, b, c, d, e, f, g, h, i, j, k, l, më poshtë.
7. Kërkesat dorëzohen me postë, tek ZIN i Bashkisë, me email apo nëpërmjet platformës elektronike në faqen e internetit të bashkisë. Në rast se kërkesa dorëzohet me postë apo tek ZIN dërguesi shënon emrin dhe mbiemrin dhe adresën plotë të banimit dhe e nëshkruan shkresën. Në rast se kërkesa dorëzohet me email apo përmes platformës elektronike, dërguesi shënon emrin dhe mbiemrin dhe adresën plotë të banimit.

²¹Ligji nr. 139/2015, neni 19/1



8. Kërkesa mund të dorëzohet edhe një Këshilltari Bashkiak, i cili e paraqet në mbledhjen e Këshillit apo të komisionit të përhershëm, sipas rregullave të rregullores së brendshme të funksionimit të Këshillit.
9. Kryetari i Këshillit, nëpërmjet Sekretarit, bën shpërndarjen e kërkesat tek kryetarët e komisioneve të përhershme.
10. Kryetari i Këshillit apo kryetari i komisionit të përhershëm mund të vendosë të paraqesë kërkesën në mbledhjen e Këshillit sipas rregullave të rregullores së brendshme të funksionimit të Këshillit.
11. Kthimi i përgjigjeve bëhet jo më vonë se tridhjetë (30) ditë nga marrja apo regjistrimi i kërkesës dhe përgjigje dërgohen në adresën e dërguesit apo sipas mënyrës që ka kërkuar ky i fundit.
12. Kërkesat që dërgohen të panënshkruara nuk i kthehet përgjigje.
13. Kërkesat anonime nuk i përcillen Kryetarit të Këshillit, por Sekretari i arkivon në një dosje të veçantë, e cila është e hapur për inspektim nga çdo anëtar i Këshillit. Sekretari një herë në katër (4) muaj njofton Kryetarin për numrin e kërkesave anonime të ardhura në adresë të Këshillit.
14. Sekretari ndërton dhe mirëmban regjistrin elektronik të kërkesave të cilave i është kthyer përgjigje nga Kryetari i Këshillit dhe kryetarët e komisioneve të përhershme.
15. Sekretari harton raportin vjetor të trajtimit të kërkesave, i cili shqyrtohet dhe nënshkruhet nga Kryetari përpara se t'i paraqitet Këshillit për informacion.

Neni 47

E drejta e paraqitjes dhe marrjes në shqyrtim të peticionit

1. Çdo person që banon, punon apo studion në territorin e Bashkisë, apo organizata që kanë zyrat në bashki dhe ushtrojnë veprimtari të përkohshme apo të përhershme në territorin e bashkisë mund të nënshkruaj dhe t'i parashtrijë këshillit një peticion, përveç se në rastet e cituara në nenet më poshtë.
2. Peticioni është një kërkesë e shoqëruar me nënshkrime të një grupi banorësh apo organizatash drejtuar këshillit apo komisionit të përhershëm të këshillit, për të influencuar procesin politikëbërës apo vendimmarrës të tyre, apo proceset përfaqësuese dhe pjesëmarrëse, si dhe për të axitur ato të ndërmarrin apo të mos ndërmarrin një veprim apo një vendim me ndikim tek bashkësia apo territori i bashkisë.

Neni 48

Çështje për të cilat mund t'i drejtohen këshillit me peticion

1. Personat dhe organizatat mund t'i drejtohen Këshillit me peticion për çështje që:
 - a. lidhen me përgjegjësitë ligjore të Këshillit
 - b. i ndikojnë bashkësisë dhe territorit të bashkisë, dhe për të cilat Këshilli është në gjendje të ushtrojë njëfarë ndikimi për zgjidhjen e këtyre çështjeve.



2. Personat dhe organizatat mund t'i drejtohen Këshillit me peticion për fillimin e procedurës për hartimin dhe miratimin e projektakteve, sipas planit vjetor të procesit të vendimmarrjes, publikuar nga bashkia.²²
3. Nëse kërkesa e peticionit ka të bëjë me një çështje mbi të cilën Këshilli nuk ka kontroll të drejtpërdrejtë, Këshilli do të konsiderojë përfaqësimin në emër të komunitetit pranë autoritetit publik kompetent.
4. Nëse kërkesa e peticionit vlerësohet se nuk është brenda kompetencave të Këshillit apo Bashkisë, si dhe nëse Këshilli nuk ka asnjë ndikim në zgjidhjen e çështjes, Kryetari e përcejell atë tek autoritetit publik kompetent, duke njoftuar njëkohësisht edhe parashtruesin personi kontakti të peticionit, ndërkohë që Sekretari ruan një kopje të peticionit në arkivin e bashkisë. Nëse do të jetë e mundur, këshilli do t'i paraqesë çdo parashtruesit informacion që ka në dispozicion në lidhje me agjencinë ku duhet të drejtohet kërkesa e peticionit.

Neni 49

Parashtruesit e peticionit

1. Çdo peticion ka parashtruesit që e iniciojnë peticionin dhe nënshkruesit që e mbështesin.
2. Parashtruesit e peticionit mund të jenë persona që kanë mbushur moshën 18 vjeç, si dhe kryetari i fshatit, ndërmjetësi komunitar, apo drejtues të strukturave të tjera me bazë komunitare të autorizuar nga ligji dhe rregulloret e Këshillit Bashkiak për parashtrimin e peticionit.
3. Parashtruesit dhe nënshkruesit e peticionit nuk mund të jenë deputetë, persona që mbajnë pozicionin e të zgjedhurit vendor në bashki, Kryetari dhe zëvendëskryetari i bashkisë, sekretar i Këshillit Bashkiak, nëpunës civil të administratës së Bashkisë, titullarë të institucioneve dhe drejtues të ndërmarrjeve në varësi të bashkisë, prefekti i qarkut, kryetari i këshilli të qarkut, ministër, zëvendësministër, drejtues të agjencive qeveritare qendrore në nivel qarku, drejtues të institucioneve shtetërore kombëtare.
4. Nuk mund të jenë parashtrues të një peticioni drejtuar Këshillit personat e lidhur: bashkëshortë, prindër e fëmijë, vëlla e motër, si dhe vjehri e vjehra me nusen e dhëndrin, kushërinjë të parë, dajallarë e xhaxhallarë me nipa dhe mbesa, halla e teze me nipër e mbesa, bashkëpronarë të një biznesi.
5. Nëse peticioni nuk përcakton qartë sekush janë është parashtruesit, Këshilli nuk do ta shqyrtojë peticionin.

Neni 50

Mënyra dhe forma e paraqitjes së peticionit

1. Peticionet i drejtohen këshillit në formë të shkruar dhe nënshkrimet bëhen në shkrësë apo në formë elektronike.

²² Ligji nr. 146/2014, neni 9/b



2. Nënshkrimi i petitionit për iniciativë qytetare bëhet si rregull në shkresë, por Këshilli mund të vendosë që nënshkrimi të bëhet në formë elektronike apo në një mënyrë e përzier të nënshkrimit në shkresë me atë elektronik.
3. Peticioni me shkresë shtypet në letër të bardhë në format A4, dhe ka jo më shumë se njëzet (20) nënshkrimi për çdo fletë, dhe duhet të përgatitet sipas formatit të përgatitur nga bashkia (Shtojca nr. 9, model i formatit të petitionit).
4. Peticionet që paraqiten me shkresë, kanë të dhënat e mëposhtme në secilën faqe të fletës:
 - a. Faqja e parë e çdo flete përmban:
 - i. Citimin që i drejtohet Këshilli Bashkiak Roskovec,
 - ii. Bazën ligjore të petitionit
 - iii. Titullin e petitionit
 - iv. Kërken e petitionit që paraprihet me shprehjen "Ne të nënshkruarit, me këtë petition, i kërkojmë Këshillit Bashkiak Roskovec të"
 - v. Arsyet e paraqitjes së petitionit
 - vi. Emrin dhe mbiemrin, numrin personal të identifikimit, adresën e banimit, adresën elektronike dhe numrat e telefonisë fikse apo celulare, si dhe nënshkrimin e parashtruesve të petitionit.
 - b. Faqja e dytë e çdo flete përmban:
 - i. Deklaratën se "Unë nënshkruari deklaroj në përgjegjësi time se informacioni dhënë është i vërtetë dhe i saktë, dhe se nënshkrimi që kam bërë është autentik, dhe se unë ka mbështetur këtë petition vetëm një herë".
 - ii. Nënshkrimet e mbështetësve të petitionit, ku çdo rrjesht duhet të ketë emrin, kontaktet dhe nënshkrimin e nënshkruesve, dhe duhet të ketë një numër.
 - iii. Një paragraf ku të citohet se të dhënat personale do të përdoren vetëm për qëllimet e iniciativës qytetare, dhe mbrohen nga ligji për mbrojtjen e të dhënave personale.
 - iv. Numrin e identifikimit të petitionit
 - v. Citimin se emrat e nënshkruesve janë të hapur për publikun.
 - vi. Afatin e (data dhe ora) e përfundimit të nënshkrimeve të petitionit.
 - c. Çdo faqe e petitionit duhet të ketë numrin e faqes (p.sh. faqja 1 nga 8, faqja 2 nga 8 etj, dhe numrimi duhet të jetë i vazhduar nga numri 1 deri tek numri i fundit i listës së nënshkruesve).
5. Peticioni duhet të shoqërohet me një shkresë përmbledhëse të të dhënave për petitionin (Shtojca nr. 11, modelishkresës përmbledhëse).
6. Peticionet mund të shoqërohet me dokumente shtesë.
7. Formatit i petitionit bëhet publik në faqen e internetit të Bashkisë, në një format të shkarkueshëm, dhe kopje të tij mund të merren në zyrën e Sekretariatit të Këshillit.
8. Peticioni dhe emrat e parashtruesve dhe nënshkruesve janë të hapur për publikun.



Neni 51

Peticionet për ngritjen e mekanizmave pjesëmarrës të publikut

1. Peticionet mund të paraqiten edhe për nxitje Këshillin dhe organet përfaqësuese të strukturave komunitare, për të miratuar mekanizma pjesëmarrës të komunitetit në vendimmarrjen vendore, si:
 - a. Përfshirjen e një pike në rendin e ditës së mbledhjes së Këshillit;
 - b. Mbajtjen e një konsultimi publik;
 - c. Mbajtjen e një seance dëgjimore publike;
 - d. Ndërmarrjen e një procesi pjesëmarrës;
 - e. Krijimin e një organi të ri pjesëmarrës (p.sh komitet/ bord);
 - f. Mbajtjen e një mbledhje të këshillit bashkiak, të mbledhjes së kryesisë së fshatit apo të këshillit komunitar.
2. Parashtruesit e peticioni shpjegojnë arsyet e kërkesës së peticionit dhe citojnë afatin kohor kur propozojnë ngritjen e mekanizmit pjesëmarrës.

Neni 52

Arsyet e refuzimit të peticioni për shqyrtim në këshill

1. Komisionit për Peticionet mund të refuzojë pranimin e peticionit për shqyrtim, në rastet kur peticioni:
 - a. Përmban një kërkesë për të cilën Këshilli nuk ka përgjegjësi të drejtpërdrejtë ose nuk ka ndikim.
 - b. Përmban një kërkesë që mund të kufizojë të drejtat dhe liritë themelore të njeriut, të përcaktuara në Kushtetutën e Republikës së Shqipërisë.
 - c. Përmban një kërkesë që lidhet me vendimet e bashkisë për zhvillimin e territorit.
 - d. Përmban një kërkesë që lidhet me dhënje apo mos dhënjen e një licence/ leje/ përfitim financiar apo përfitim tjetër.
 - e. Përmban një kërkesë për shqyrtimin e së cilës ka një procedurë të përcaktuar në ligj.
 - f. Përmban një kërkesë për të cilën egziston një proces ligjor apelimi administrativ apo një procedurë ligjore e veçantë e ankimit.
 - g. Përmban një kërkesë për të cilën këshilli po kryen një këshillim publik.
 - h. Përmban një kërkesë për të njëjtë çështje që Këshilli ka marrë nga një peticion tjetër brenda vitit të fundit. Në këtë rast Këshilli do ta njoftojë me shkrim parashtruesin e peticionit dhe do të përfshijë një kopje të përgjigjes së dhënë nga këshilli parashtruesve të peticionit mëparshëm.
 - i. Përmban fjalë fyese, shqetësues, abuzive ose të papërshtatshme, si dhe përmban deklarata të pavërteta apo shpifëse.
 - j. Përmban një kërkesë që i kërkon këshillit të bëjë një gjë të paligjshme.
 - k. Përmban informacion konfidencial, për shëmbull në lidhje me një individ specifik.
 - l. Përmban një kërkesë e cila është e paqartë.



- m. Përmban informacione jo të plota ose të pavlefshme, për shëmbull informacioni për adresat e organizatorëve dhe mbështetësve të peticionit është i paplotë dhe i gabuar.
 - n. Në rastin kur këshilli nuk është në gjendje të identifikojë nëse njerëzit që kanë firmosur peticionin jetojnë, punojnë apo studiojnë në territorin e bashkisë.
 - o. Peticioni nuk ka nënshkrime të mjaftueshme dhe të vlefshme për të përmbushur pragun për një peticion të zakonshëm që i dërgohet Këshillit, sipas kërkesave të këtij kreu.
 - p. Peticioni regjistrohet në bashki katër (4) muaj para zgjedhjeve vendore në bashki.
2. Vendimi i komisionit të përhershëm të këshillit i bëhet i ditur këshillit nga kryetari i Komisionit, në mbledhjen më të afërt të radhës, mbas marrje së vendimit të komisionit.

Neni 53

Përgatitja e peticionit

1. Kërkesa e peticionit përgatitet dhe nënshkruhet nga jo më pak se tre (3) parashtrues.
2. Nëse parashtruesit e nënshkruajnë peticionin si anëtarë të një organizate apo disa organizatave, ata duhet t'i bashkëngjisin peticionit edhe autorizimin e organizatës/ave përkatëse për nënshkrimin e peticionit, të firmosur nga drejtuesi/t i organizatës.
3. Nëse parashtruesit e nënshkruajnë peticionin si anëtarë të një organizate apo disa organizatave, ata duhet t'i bashkëngjisin peticionit edhe autorizimin e organizatës/ave përkatëse për nënshkrimin e peticionit, të firmosur nga drejtuesi/t i organizatës.
4. Parashtruesit përcaktojnë një prej tyre si pikë kontakti në marrëdhënjet me bashkinë, dhe këtë ia njofton me shkresë sekretarit të këshillit. Nëse peticioni nuk identifikon një person kontakti të parashtruesve të peticionit, këshilli do të supozojë se parashtruesi që është nënshkruesi i parë i peticionit është edhe personi kontaktit. Në çdo rast sekretari i këshillit, në korrespondencën elektronike me parashtruesit do të njoftojë edhe minimumidit parashtrues të tjerë të peticionit.
5. Secili prej parashtruesve duhet të paraqesë në dokumentin e peticionit emrin, atësinë dhe mbiemrin, datëlindjen, emrin e organizatës ku është anëtar, si dhe kopje të dokumentit të personal të identifikimit.
6. Sekretari dhe punonjësit e sekretariatit në çdo rast i ndihmojnë parashtruesit e peticionit me këshilla dhe rekomandime për përgatitje sa më të mirë të dokumentacionit të peticionit.

Neni 54

Regjistrimi i peticionit

1. Peticioni me shkresë regjistrohet në zyrën e protokollit të Bashkisë apo në zyrën me një ndalesë të Bashkisë.
2. Nëse parashtruesit e peticionit duan të paraqesin një peticion në një mbledhje të këshillit, ose në një mbledhje të komisionit të përhershëm, ku në rend të ditës është çështja që trajton peticioni, peticioni duhet të regjistrohet në zyrën e protokollit të bashkisë, apo të



dorëzohet në zyrën me një ndalesë të bashkisë jo më vonë se njëzet (20) ditë pune para datës së mbledhjes më të afërt që mbahet mbas dorëzimit të peticionit në Bashki.

3. Peticioni mund t'i dorëzohet edhe një këshilltari bashkiak, i cili/a, më pas, e paraqitet nëpërmjet mocionit në një mbledhje të këshillit. Këshilltari e regjistron peticionin në zyrën e protokollit të Bashkisë sëpaku 15 ditësh para mbledhjes së këshillit ku do të paraqitet peticioni, dhe njofton për këtë sekretarin e këshillit.

Neni 55

Nënshkrimi i peticionit

1. Nënshkrimet mbështetësve mund të bëhen në rrugë, derë më derë, apo në një mënyrë tjetër të përzgjedhur nga parashtruesit e peticionit, por në çdo rast mënyra e mbledhje së nënshkrimeve i njoftohet bashkisë nga parashtruesit e peticionit. Nënshkrimi i peticionit nga parashtruesit dhe mbështetësit bëhet me stilolaps me ngjyrë blu.
2. Asnjë person nuk lejohet:
 - a. të nënshkruaj në emër të një personi tjetër në çfarëdo rrethane,
 - b. të nënshkruaj një peticion më shumë se një herë,
 - c. të nënshkruaj një peticion kur nuk ka të drejtë ta nënshkruajë atë,
 - b- të nënshkruaj njëkohësisht një peticion në letër dhe një peticion elektronik, kur të dy peticionet paraqesin të njëjtën çështje.
3. Këshilli ka të drejtë të verifikojë emrin, adresën dhe nënshkrimin e çdo personi që mbështet peticionin, nëse e konsideron të nevojshme.
4. Parashtruesit e peticionit duhet të vendosin vetë nëse kanë mbledhur nënshkrimet e mjaftueshme për t'i dërguar peticionit këshillit bashkiak.
5. Nënshkrimet e peticionit do të konsiderohen të vlefshme përsa kohë nuk është vertetuar pavlefshmëria e tyre.
6. Nënshkrimet e bëra në një datë e cila është më shumë se katër (4) muaj para datës së regjistrimit të peticionit në Bashki, do të konsiderohen të pavlefshme.

Neni 56

Tërheqja e peticionit dhe e nënshkrimit

1. Parashtruesit e peticionit mund ta tërheqin peticionin në çdo kohë përpara se Komisioni për Peticionet të vërtetojë me vendim se peticioni është kualifikuar për paraqitje në këshill. Kërkesa për tërheqjen e peticionit i drejtohet me shkresë këshillit. Sekretari i Këshillit njofton komisionin e përhershëm për tërheqjen e peticionit.
2. Një nënshkrues i peticionit mund ta tërheqë nënshkrimin e tij/saj duke i drejtuar këshillit një shkresë për tërheqjen e nënshkrimit. Kërkesa për tërheqje të nënshkrimit të peticionit duhet të dorëzohet në zyrën e protokollit të Bashkisë, përpara se peticioni të vlerësohet nga komisioni i përhershëm i këshillit. Sekretari verifikon nënshkrimin e parashtruesit/vet apo mbështetësit/vet që kërkojnë tërheqjen nga peticioni, dhe i raporton komisionit për gjetjet.



Vlerësimi dhe verifikimi i vlefshmërisë së peticionit

1. Sekretari i këshillit njofton kryetarin e këshillit për marrjen e peticionit dhe i dorëzon atij një kopje, nëse kërkohet nga ky i fundit.
2. Sekretari, në konsultim me juristin e sekretariatit të këshillit bashkiak dhe drejtorinë juridike të bashkisë, bën vlerësimin paraprak të peticionit, për të verifikuar nëse peticioni është paraqitur në formën, dhe përmban të dhënat dhe dokumentet bashkëngjitur siç kërkohet nga ligji, kjo rregullore apo ndonjë rregullore tjetër e miratuar nga Këshilli. Në rast se sekretari vlerëson se kërkesa e peticionit është jashtë kompetencës dhe mundësisë së këshillit për të ndikuar, sekretari e citon këtë opinion të tij në përgjigjen që i dërgon parashtruesit në lidhje me vlerësimin paraprak të peticionit.
3. Sekretari njofton kryetarin e këshillit për vlerësimin e bërë, dhe nëse nuk merr ndonjë koment me shkrim brenda tre (3) ditësh, përgatit përgjigjen për parashtruesin e peticionit.
4. Sekretari i dërgon përgjigje parashtruesit kryesor, brenda pesë (5) ditësh pune nga regjistrimi i peticionit në bashki. Nëse peticioni nuk është paraqitur sipas formës dhe kërkesave të kësaj rregulloreje, peticioni nuk pranohet, dhe Sekretari kërkon parashtruesit të bërjen e plotësimeve, saktësimeve apo korigjimeve të nevojshme. Dorëzimi i peticionit me mangësitë e plotësuara, apo plotësimi i mangësive të pjesëshme, do të konsiderohet një regjistrimi i ri i peticionit.
5. Nëse peticioni është paraqitur sipas formës dhe kërkesave të kësaj rregulloreje, sekretari ia përcjell peticionin kryetarit të këshillit për ta përfshirë në rendin e ditës së Mbledhjes së Këshillit, dhe nëse peticioni ka lidhje me një çështje të rendit të ditës së mbledhjes së ardhshme të këshillit, kryetari e përfshin prezantimin e peticionit në rendin e ditës të asaj mbledhje. Një kopje të peticionit kryetari i këshillit ia përcjell kryetarit të bashkisë.
6. Nëse parashtruesit e peticionit nuk janë të kënaqur me përgjigjen e sekretarit, ato mund t'i drejtohet me ankesë Komisionit për Peticionet, i cili u kthen përgjigje brenda pesë (5) ditësh nga regjistrimi i ankesës në bashki.
7. Sekretari i përcjell Komisionit për Peticionet dokumentacioni i plotë të peticionit për vlerësim e verifikim. Komisioni vlerëson nëse peticioni është për një çështje të interesit publik, nëse është në kompetencën si dhe në mundësinë e Këshillit për të ndikuar, si dhe bën vlerësimin e përmbajtjes së peticionit.
8. Komisioni për Peticionet vlerëson vlefshmërinë e nënshkrimeve të parashtruesve, nëse ka kontestime apo dyshime të arsyeshme nga anëtarët e komisioni. Nëse banorë të bashkisë apo organizata kanë kontestime për vlefshmërinë e nënshkrimeve të parashtruesve, ato i dërgojnë kontestimet me shkresë dhe të nënshkruar pranë komisionit. Verifikimi i nënshkrimeve do të bëhet rast pas rasti dhe për aq sa numri i nënshkrimeve të vlefshme është i mjaftueshme për vlefshmërinë e peticionit.
9. Kryetari i Komisionit për Peticionet, nëpërmjet sekretarit të këshillit, i kërkon me shkresë administratorit të NjA, apo kryetarit të fshatit dhe ndërmjetësit komunitar që të shprehën me shkresë brenda pesë (5) ditësh për identitetin e nënshkruesve të peticionit, në rastet kur çështja i përket një NjA, një apo disa lagjeve apo një apo disa fshatrave. Me kërkesë të kryetarit të komisionit, Sekretari i dërgon drejtorisë juridike të bashkisë një kopje të një flete të peticionit për të cilat kërkohet verifikim i nënshkrimeve. Drejtoria



juridike dërgon përgjigje me shkrim brenda pesë (5) ditëve, nga dorëzimi i kërkesës së sekretarit.

10. Komisioni për Peticionet shprehet me vendim për pranimit apo refuzimin e peticionit, bazuar në plotësimin e kërkesave të ligjit dhe kësaj rregullore si dhe në vlefshmerinë e dokumenteve të peticionit. Vendimi në çdo rast i njoftohet këshillit në mbledhjen më të afërt mbas datës së marrjes së vendimit nga komisioni.
11. Kryetari të Këshilli mbasi merr nga Komisioni për Peticionet vendim për pranimit apo refuzimin e peticioni njofton me shkrim parashtuesin e peticionit, brenda pesë (5) ditësh.
12. Në rast se peticioni pranohet, sekretari i këshillit i përcakton peticionit një numër identifikimi dhe kryetari i këshillit ia përcjell peticionin për shqyrtim komisionit të përherëshmi cili ka objekt të veprimtarisë së tij çështjen që paraqet peticioni.
13. Nëse kërkesa e peticioni qartazi nuk bën pjesë në kompetencat e Këshillit dhe Bashkisë dhe Këshilli nuk ka ndikim në zgjedhjen e çështjes, Kryetari i Këshillit ia përcjell peticionin agjencisë qeveritare përkatës, ndërkohë që Sekretari ruan një kopje të peticionit në arkivin e Bashkisë.

Neni 58

Publikimi i peticionit

1. Kërkesa e peticioni, i cili është pranuar, njoftohet dhe publikohet në faqen e internetit të bashkisë, dhe në një vend të njoftimeve publike të Bashkisë.
2. Në njoftimin e peticionit specifikohen edhe emrat e parashtuesve të peticionit.

Neni 59

Peticione të zakonshme

1. Peticionet që kanë të paktën 20 apo 50 nënshkrime të vlefshme do t'i përcillen fillimisht, nëpërmjet sekretarit të këshillit, drejtorisë përkatëse të bashkisë, e cila duhte ta shqyrtojë dhe ti përgjigjet parashtuesit kryesor të peticionit brenda njëzet (20) ditësh nga data e dorëzimit të peticionit në bashki. Nëse kërkohet më shumë kohë, drejtoria i shkruan parashtuesit të peticionit, ku i specifikon arsyet e shtyrjes së afatit të përgjigjes si edhe datën kur do t'i dërgohet përgjigja.
2. Peticionet me më pak se 20 apo 50 nënshkrime të vlefshme bien jashtë procedurës së kësaj rregullore, por në çdo rast, ato do t'i përcillen drejtorisë përkatëse nga sekretari i këshillit.
3. Një kopje të përgjigjes dërguar parashtuesit kryesor të peticionit, drejtoria përkatëse ia dërgon njëkohësisht edhe Sekretarit të Këshillit.



Neni 60

Peticione që shqyrtohen me debat në mbledhjen e një komisioni të përhershëm

1. Peticionet që kanë mbi 100 apo 500 nënshkrime të vlefshme, pasi pranohen nga Komisioni i Peticioneve, idërgohen nga kryetari i këshillit për shqyrtim komisionit të përhershëm përkatës, i cili ka objekt të veprimtarisë së tij çështjen që paraqet peticionin.
2. Nëse çështja për të cilën bën fjalë peticioni është në rendin e ditës së komisionit, parashtruesi kryesor i peticionit ftohet për të paraqitur kërkesën e peticionin në mbledhjen e Komisionit, apo ai/ajo mund të përzgjedhë një nga këshilltarët bashkiakë për ta paraqitur kërkesën e peticionit. Parashtruesit të peticionit do t'i jepet një kopje e procesverbalit, që përmban rekomandime dhe çdo përgjigje vijuese të komisionit përkatës.
3. Parashtruesi ka maksimumi pesë (5) minuta kohë për të prezantuar peticionin, ndërkohë anëtarët e komisionit të përhershëm kanë njëzet (20) minuta kohë për të debatuar mbi peticionin, përpara se komisioni të marrë një vendim.
4. Nëse çështja për të cilën bën fjalë peticioni nuk është në rendin e ditës së një komisioni, peticioni do të përfshihet në rendin e ditës së mbledhjes së radhës së komisionit, por jo më vonë se tre mbledhje të radhës nga data e regjistrimit të peticionit në bashki.

Neni 61

Peticione që shqyrtohen me debat në mbledhjen e këshillit

1. Peticionet e pranuar nga Komisioni i Peticioneve dhe që kanë mbi 1000 nënshkrime të vlefshme, i paraqiten për njoftim këshillit në mbledhjen e më të afërt,
2. Në rastin kur afati dhe procedura e këshillit e lejon, shqyrtimi i peticionit mund të bëhet në mbledhjen më të afërt, kur një çështja që parashtron peticionin është në pikë të rendit të ditës së mbledhjes .

Neni 62

Mbledhja e nënshkrimeve elektronike

1. Mbledhja e nënshkrimeve në mënyrë elektronike kryhet në përputhje me legjislacionin në fuqi për nënshkrimin elektronik, dokumentin elektronik dhe atë për identifikimin elektronik dhe shërbimet e besuara.²³
2. Nënshkrimeve në mënyrë elektronike të peticionet bëhen përmes faqes së internetit dhe duhet të respektojnë të njëjta kërkesa dhe procedura si peticionet me shkresë, si dhe duhet për përmbajtje të dhënat sipas fletës tip e mbledhjes së nënshkrimit (Shtojca nr. 9, modeli i formatit të peticionit).
3. Parashtruesit dorëzojnë me shkrim në Bashki, kërkesën për krijimin e peticionit elektronik, sëbashku me të dhënat e peticionit, dhe të dhënat e parashtruesit që do të këtë qasje në

²³Ligji nr. 9880/2008 "Për nënshkrimin elektronik", i ndryshuar; Ligji nr.10273/2010 "Për dokumentin elektronik", i ndryshuar; Ligji nr. 10325/2010 "Për bazat e të dhënave shtetërore", Ligji nr.107/2015 "Për identifikimin elektronik dhe shërbimet e besuara", i ndryshuar.



platformën elektronike. Qasja në platformën elektronike të bashkisë dhe ngarkimi i dokumenteve në platformën elektronike është përgjegjësi e përfaqësuesit të iniciativës.

4. Afati i mbylljes së nënshkrimeve elektronike është jo më shumë se dy (2) apo tre (3) muaj.
5. Përmbajtja e peticionit kontrollohet nga, dhe me miratimin me shkrim e këtij të fundit, bashkia mundëson publikimin elektronik të peticionit brenda një afati prej pesë (5) ditësh.
6. Nëse sekretari i këshillit vlerëson se peticioni nuk mund të publikohet, i dërgon njoftim me shkrim parashtruesit të peticionit, brenda afatit prej pesë (5) ditësh nga data e regjistrimit të kërkesës për mbajtjen e peticionit elektronik, ku i shpjegon arsyet e mos publikimit dhe i kërkon rishikimin e formës dhe/ apo përmbajtjes së peticionit.
7. Nëse parashtruesi nuk do të mundësojë përmirësimin apo rregullimin e peticionit, Komisioni për Peticionit vendos për refuzimin e peticionit, vendim që Sekretari e publikon në faqen e internet të bashkisë (tek ndërfaqja për peticionet) brenda 10 ditëve nga marrja e vendimit të komisionit, bashkë me një përmbledhje të peticionit dhe arsyen pse nuk është pranuar.
8. Për të patur qasje në platformën elektronike për nënshkrimin e peticionit elektronik, një mbështetës duhet të depozitojë në këtë platformë të dhënat si emrin mbiemrin e tij, numrin personal të identifikimit dhe një adresë të vlefshme emaili. Me hedhjen e këtyre të dhënave mbështetësi do i dërgohet një email në adresën e tij të emailit, ku do të paraqitet një lidhje elektronike në të cilën duhet të klikojë për të konfirmuar se adresa e emailit është e vlefshme. Me përfundimin e këtij veprimi, mbështetësi konsiderohet si nënshkrues i peticionit. Parashtruesit dhe publikum mund të shohin në çdo kohë numrin total të nënshkruesve, si dhe emrin dhe mbiemrin e nënshkruesve të peticionit dhe njësinë administrative, fshatit apo lagjes ku nënshkruesi banon.
9. Me mbylljen e afatit të nënshkrimeve elektronike të peticionit, drejtorja/ sektori për teknologjinë e informacioni pranë bashkisë i dërgon sekretarit dosjen elektronike të peticionit, për të ndjekur më pas procedurat e njëjta me ato të peticioneve meshkresë. Sekretari njofton me shkrim.
10. Sekretari brenda dhjetë (10) ditësh nga mbyllja e afatit të nënshkrimit të peticionit, mundëson publikimin në faqen zyrtare të internetit të Bashkisë të njoftimit për pranimin ose jo të peticionit si dhe e dërgon këtë njoftim në postën elektronike të parashtruesve dhe nënshkruesve të peticionit në formatin e email-ve në grup.

Neni 63

Shqyrtimi i peticionit në mbledhjen e këshillit

1. Peticionet shqyrtohen nga këshilli i bashkisë brenda afatit prej gjashtëdhjetë (60) ditësh nga data e depozitimit të peticionit në bashki.
2. Kryetari e njofton Këshillin për të gjitha peticionet e pranuar nga Komisioni Peticionet të cilat pritet të shqyrtohen nga Këshilli.
1. Në një mbledhje të këshillit apo të komisionit të përhershëm nuk mund të shqyrtohen më shumë se tre (3) peticione. Në çdo rast këshilli fton parashtruesin kryesor të peticionit të shpjegojë peticionin.



2. Peticionet shqyrtohen në ngakëshilli sipas procedurave të mbledhjes së këshillit. Këshilli mund të vendosë që një peticion të shqyrtohet me debat apo pa debat, por ndërkohëkëshilli nuk do të zhvillojë asnjë debat për peticione të paraqitura në mbledhjen e këshillit ku shqyrtohet buxheti i bashkisë.
3. Gjatë shqyrtimit të peticionit komisioni i përhershëm përkatës, i jepet fjala parashtruesit të peticionit, e më pas përfaqësuesit të bashkisë. Kryetari i komisionit të përhershëm mund t'i kërkojë parashtruesit kryesor të peticionit sqarime shtesë në lidhje me përmbajtjen e peticionit. Pas prezantimeve dhe diskutimeve, komisioni i propozon Këshillit:
 - a- pranimin e kërkesës së peticionit
 - b- dërgimin e motivuar të peticionit tek bashkia për studim dhe raport-opinion;
 - c- mos pranimin e kërkesës së peticionit
 - d- dërgimin e peticionit tek autoriteti kompetent, jashtë bashkisë;
3. Në mbledhjen e Këshillit parashtruesi i peticionit i jepet fjala për të shpjeguar kërkesën e peticionit për jo më shumë se tre (3) minuta, dhe me pas Këshilli dëgjon raportin e komisionit të përhershëm përkatës dhe nëpunësin e administratës së bashkisë. Debatit për peticionin zgjat jo më shumë se tridhjetë (30) minuta, përveçse, kur, shumica e këshilltarëve në mbledhje, vendosin për shtyrjen e afatit. Një këshilltar bashkiak që do të marrë pjesë në debat, mund të flasë vetëm një herë dhe për maksimum tre (3) minuta për çështjen e ngritur nga peticioni.
4. Nëse një peticion me shkrim dhe një peticion elektronik zhvillohen në të njëjtën periudhë dhe për të njëjtën çështje, por nga parashtrues të ndryshëm, të dy peticionet do të shqyrtohen nga këshilli pasi të jenë depozituar më parë të dy pranë këshillit.
5. Peticionet e paraqitura, nga parashtrues i peticionit, gjatë seancës së hapur për publikun të mbledhjes së këshillit, nuk do të diskutohen në atë mbledhje, dhe kryetari i këshillit i kërkon parashtruesit të peticionit ta regjistrojë peticionin në zyrën e protokollit të bashkisë.
6. Kur peticioni paraqitet nga një këshilltar bashkiak, në emër të parashtruesve të peticionit dhe kursëpaku njëri nga parashtruesit është i pranishëm, procedura e debatit që duhet të ndiqet për peticionin është e njëjtë si për çdo mocion tjetër që paraqitet në mbledhjen e këshillit.
7. Peticionet nuk do të shqyrtohen në një mbledhje të jashtëzakonshme të Këshillit, përveçse kur çështje për të cilën është thirrur mbledhja e jashtëzakonshme ka të bëjë me çështjen që paraqet peticioni.
8. Në rast se në mbledhjen e këshillit paraqiten dy apo më shumë peticione, që trajtojnë të njëjtën çështje apo çështje të ngjashme, parashtruesve të peticioneve do t'u kërkohej nga kryetari i këshillit të kombinojnë peticionet në mënyrë që një parashtrues t'i adresohet Këshillit për të gjithë peticionet e njëjta apo të ngjashme.

Neni 64

Veprimet e këshillit me peticionet

1. Mbas shqyrtimit të peticionit dhe përfundimit të debatit, Këshilli ndërmerr veprimet si më poshtë:



- a- Vendos për të miratimin e kërkesës së peticionit, me ose pa ndryshim.
 - b- Vendos refuzimin e kërkesës së peticionit.
 - c- Vendos për mbajtjen e një takimi me parashtuesit e peticionit për të kuptuar arsyet se pse është dërguar peticioni dhe për të gjetur mënyrën më të mirë për të zgjidhur çështjen që paraqet peticioni.
 - d- Vendos për mbajtjen e njëdëgjese publike në lidhje me çështjen e peticionit.
 - e- Vendos për ndërmarrjen e një hulumtimi rreth çështjes së peticionit, nga njëkomision i përhershëm i këshillit, komiteti i këshillit apo nga ekzekutivi i bashkisë, dhe ia kalon këtyre të fundit për veprim.
 - f- Vendos nëse do të bëhen rekomandime për ekzekutivin e bashkisë, në rastin kur çështja i takon ekzekutivit për të marrë vendimin përfundimtar.
2. Sekretari i këshillit jo më vonë se shtatë (7) ditë nga dita e shqyrtimit të peticionit nga këshilli, njofton me shkrim parashtuesit e peticionit për vendimin e këshillit dhe për hapet e ndërmarrë për zgjidhjen e çështjes së ngritur nga peticioni. Vendimi i këshillit publikohet në faqen e internetit të bashkisë dhe i njoftohet publikut përmes afishimit në një stendë të njoftimeve publike të Bashkisë.
 3. Sekretari i këshillit i dorëzon parashtuesit të peticionit një kopje e procesverbalit që përmban rekomandimet e Këshillit si dhe çdo përgjigje vijuese.

Neni 65

Kërkesa e peticionit për mbajtjen e takimit publik

1. Një peticion mund të kërkojë nga Këshilli mbajtjen e një mbledhje publike në lidhje me kërkesën e peticionit.
2. Një kërkesë e tillë nuk mund të bëhet nëse Këshilli ka detyrimin ligjor për mbajtjen e takimit publik.

Neni 66

Mbajtja e takimit publik për peticionin

1. Kryetari i këshillit/ komisionit të përhershëm mund të thërrasë një takim publik me komunitetin për të diskutuar çështjen që citon peticioni. Në këtë takim ftohen të marrin pjesë anëtarë të komunitetit, këshilltarë bashkiakë, kryetari i fshatit / ndërlidhësi komunitar, administratori i NjA dhe punonjës të tjerë të bashkisë.
2. Sekretari i këshillit njofton mbajtjen e takimi së paku 10 ditë përpara takimit. Njoftimi bëhet publik në faqen e internetit dhe median sociale zyrtare të bashkisë, si dhe në zyrat e njësisë administrative përkatëse. Nëse peticioni trajton një çështje që i ndikon gjithë bashkisë, njoftimi bëhet edhe në një stendë për njoftimet publike në qendër të qytetit, apo tek zyra e NjA.
3. Takimi publik për peticionin organizohet nga sekretariati i këshillit.



Neni 67

Peticioni në lidhje me një çështje që është në proces këshillimi publik

1. Në rastet kur këshilli/ komisioni i përhershëm përkatës merr një peticion në lidhje me një çështje që është në proces këshillimi publik nga këshilli apo komisioni i përhershëm përkatës, shqyrtimi i peticionit do të pezullohet. Këshilli apo komisioni i përhershëm përkatës mund të vendosë përfshirjen e peticionit në procesin zyrtar të këshillimit publik, dhe parashtruesit e peticionit do të informohen për këtë nga sekretari.
2. Të gjitha peticionet që kanë lidhje me çështjen e buxhetit të Bashkisë do të njoftohen në mbledhjen e këshillit ku shqyrtohet projekt dokumenti i buxhetit, dhe do të përfshihen në procesin zyrtar të këshillimit publik për buxhetin.
3. Në çdo rast, parashtruesi i peticionit do të ftohet në mbledhjen e Komisionit të Përhershëm përkatës për të bërë prezantimin e kërkesës së peticionit në rastin kur peticioni është dorëzuar pasi është mbyllur procesi i këshillimit publik, por para se të merret vendimi përfundimtar nga Këshilli, me kusht që çështja që trajton peticioni është në rendin e ditës së komisionit të përhershëm përkatës.
4. Nëse çështja që trajton peticioni është shqyrtuar tashmë nga komisionet e përhershëm, peticioni do të paraqitet në mbledhjen e Këshilli.

Neni 68

Ankesa ndaj vendimit të këshillit për peticionin

1. Nëse parashtruesit e peticionit nuk janë të kënaqur me përgjigjen dhe veprimin e komisionit të përhershëm përkatës në lidhje me kërkesën e peticionit, mund t'i dërgojnë këshillit një ankesë me shkrim. Ankesa do të trajtohet sipas procedurave të ankesave që ka miratuar këshilli. Kryesia e Këshillit shqyrton aspekte e respektimit të procedurës së shqyrtimit të peticionit nga komisioni, dhe kryetari i këshillit i kthen përgjigje me shkrim parashtruesit kryesor, për vendimin e kryesisë, jo më vonë se 15 ditë nga data e regjistrimit në bashki të ankesës. Nëse ankesa vlerësohet e drejtë, Kryesia vendos rishqyrtin e peticioni në Mbledhjen e Këshillit më të parë të radhës.
2. Nëse vendimi i refuzimit të peticionit është marrë nga këshilli, kryesia e këshillit shqyrton aspekte e respektimit të procedurës në procesin e shqyrtimit të peticionit, dhe kryetari i këshillit i kthen përgjigje me shkrim parashtruesit kryesor, për vendimin e kryesisë, jo më vonë se 15 ditë nga data e regjistrimit në bashki të ankesës. Nëse ankesa vlerësohet e drejtë, kryesia vendos rishqyrtimin e peticionit në mbledhjen më të afërt të radhës të këshillit.
3. Nëse parashtruesit e peticionit janë të pakënaqur me vendimin e këshillit, mund t'i drejtohen gjykatës administrative.



KREU III INICIATIVA QYTETARE

Neni 69

E drejta e iniciativës qytetare

1. Çdo zgjedhës mund të marrë pjesë dhe gëzon të drejta të barabarta në procesin e hartimit, përfaqësimit, nënshkrimit dhe parashtrimit të iniciativës qytetare drejtuar këshillit bashkiak, përveç kufizimeve të cituara në nenet më poshtë.
2. Çdo komunitet, nëpërmjet përfaqësuesve të autorizuar të tij, si kryesia e fshatit apo këshilli komunitar i lagjes, apo jo më pak se një për qind (1%) e banorëve të bashkisë me të drejtë vote, ka të drejtë të paraqesë për vendimmarrje në këshillin bashkiak një iniciativë qytetare për çështje që janë brenda juridiksionit të bashkisë dhe kompetencës së Këshillit.²¹
3. Çdo komunitet, nëpërmjet përfaqësuesve të autorizuar të tij, si kryesia së fshatit apo këshillit komunitar i lagjes, apo jo më pak se dy për qind (2%) e banorëve me të drejtë vote të fshatit, lagjes apo të një njësisë administrative të Bashkisë, pomë çdo rast jo më pak së 20 nënshkrues, ka të drejtë të paraqesë për vendimmarrje në këshillin bashkiak një iniciativë qytetare.
4. Zgjedhësit e ushtrojnë të drejtën e iniciativës qytetare përmes hartimit të një projektakti normativ dhe propozimit të toj në këshillin bashkiak.

Neni 70

Objekti i iniciativës qytetare

Objekti i iniciativës është një kërkesë për t'u shqyrtuar e miratuar në Këshill një akt normativ nënligjor apo të një akti që shfuqizon apo ndryshon një akt normativ të Këshillit, apo një rezolutë.

Neni 71

Çështjet e iniciativës qytetare

1. Nënshkruesit e iniciativës qytetare mund t'i drejtohen këshillit bashkiak për: a) çështje që lidhen me përgjegjësitë ligjore të këshillit bashkiak dhe që janë brenda juridiksionit të Bashkisë dhe kompetencës së këshillit, b) çështje që i ndikojnë drejtpërsëdrejti bashkësisë dhe territorit të Bashkisë, dhe për të cilat Këshilli Bashkiak ka autoritetin për të marrë një vendim.
2. Nënshkruesit nuk mund t'i drejtohen këshillit bashkiak me një iniciativë qytetare e cila propozon:
 - a. një projektakt që nuk është brenda funksioneve dhe kompetencës ligjore të bashkisë,

²¹Ligji nr. 139/2015, neni 20/1



- b. një projektakt qëkufizon të drejtat dhe liritë themelore të njeriut, të përcaktuara në Kushtetutën e Republikës së Shqipërisë.
 - c. ndryshimin e buxheti dhe paketës fiskale, apo vendimit për shitjen apo dhënjen me qera të një prone.
 - d. ndryshimin e kufijve të bashkisë, qytetit dhe fshatrave.
 - e. një projektakt që është i njëjtë me atë të një iniciativë qytetare të regjistruar në bashki brenda dy viteve të fundit. Në këtë rast këshilli do t'i njoftojë me shkrim parashtruesit e peticionit dhe do të përfshijë një kopje të përgjigjes së marrë nga peticioni i parë.
3. Nënshkruesit nuk mund të regjistrojnë në bashki një iniciativë qytetare, drejtuar këshillit bashkiak, katër (4) muaj para zgjedhjeve vendore në Bashki.

Neni 72

Mbulimi territorial i iniciativës qytetare.

Iniciativa qytetare mund të mbulojë të gjithë bashkinë, apo një njësi administrative, një fshat, një lagje, apo një kombinim të këtyre të fundit.

Neni 73

Parashtruesit e iniciativës qytetare

1. Parashtruesit e peticionit për iniciativë qytetare mund të jenë:
 - a. minimumi pesë (5) votues të regjistruar të bashkisë, dhe mbi 18 vjeç.
 - b. përfaqësues të autorizuar të një shoqatë jo-fitimprurëse, shoqate biznesi, sindikate, me kusht që aktiviteti i organizatës të zhvillohet në mënyrë përkohshme apo të përhershme brenda territorit të Bashkisë dhe të kenë adresën në territorin e bashkisë kjo më pak se një vit nga data e regjistrimit në bashki të peticionit.
 - c. kryetari i fshatit dhe ndërmjetësi komunitar, mbi bazë të vendimit të kryesisë së fshatit dhe këshillit komunitar.
 - d. Një bashkim i përfaqësuesve të përmendur në pikat a, b, c më sipër.
2. Grupi nismëtar i parashtruesve të peticionit do të përbëjë Përfaqësinë Promovuese të Iniciativës Qytetare.
3. Përfaqësia është përgjegjëse për mbarëvajtjen e procesit të përgatitjes, nënshkrimit dhe paraqitjes së iniciativës qytetare pranë Bashkisë.
4. Parashtruesit dhe nënshkruesit e peticionit nuk mund të jenë deputetë, persona që mbajnë pozicionin e të zgjedhurit vendor në Bashki, zëvendëskryetar i bashkisë, sekretar i këshillit bashkiak, nëpunës civil të administratës së bashkisë, titullarë të institucioneve dhe drejtues të ndërmarrjeve në varësi të Bashkisë, Prefekti i Qarkut, Kryetari i Këshillit të Qarkut, Ministër, zëvendësministër, drejtues të agjencive qeveritare qendrore në nivel qarku, drejtues të institucioneve shtetërore kombëtare.
5. Nuk mund të jenë parashtrues të një peticioni drejtuar Këshillit Bashkiak personat e lidhur: bashkëshortë, prindër e fëmijë, vëlla e motër, si dhe vjehëri e vjehërra me nusen e



dhëndrin, kushërinjë të parë, dajallarë e xhaxhallarë me nipa dhe mbesa, halla e teze me nipër e mbesa, bashkëpronarë të një biznesi.

6. Nëse peticioni nuk përcakton qartë se kush është parashtruesi/t, Këshilli nuk do ta shqyrtojë peticionin.

Neni 74

Mënyra dhe forma e paraqitjes së peticionit për iniciativë qytetare

1. Mënyra, forma dhe përçasja e paraqitjes së peticionit për iniciativë qytetare bëhet sipas kërkesave të nenit 9 të kësaj rregulloreje dhe sipas modelit të paraqitur në shtojcën nr. 10.
2. Peticionet për iniciativë qytetare që pranohen për shqyrtim me shkresë, kanë të dhënat e mëposhtme në faqene parë të fletës:
 - a. Citimin që i drejtohet Këshilli Bashkiak Roskovec,
 - b. Bazën ligjore të peticionit
 - c. Titullin e projektaktit që propozohet, të paraprirë me shprehjen "Ne të nënshkruarit, me këtë peticion, i kërkojmë Këshillit Bashkiak Roskovec të ..."
 - d. Arsyet e paraqitjes së peticionit
 - e. Përshkrimin e dispozitivit të projektaktit.
 - f. Emrin dhe mbiemrin, numrin personal të identifikimit, adresën e banimit, adresën elektronike dhe numrat e telefonisë fikse apo celulare, si dhe nënshkrimin e parashtruesve të peticionit.

Neni 75

Përgatitja e Peticionit

1. Kërkesa e peticionit për iniciativë qytetare përgatitet nga parashtruesit dhe firmoset sëpaku nga pesë (5) votues tyre.
2. Secili prej parashtruesve duhet të paraqesë në dokumentin e peticionit emrin, atësinë dhe mbiemrin, datëlindjen, emrin e organizatës ku është anëtar, si dhe kopje të dokumentit të identifikimit (ID).
3. Nëse parashtruesit e nënshkruajnë peticionin si anëtarë të një organizate apo disa organizatave, ata duhet t'i bashkëngjisin peticionit edhe autorizimin e organizatës/ave përkatëse për nënshkrimin e peticionit, të firmosur nga drejtuesi/t i organizatës.
4. Parashtruesit përcaktojnë një prej tyre si pikë kontakti në marrëdhënjet me bashkinë, dhe këtë ia njofton me shkresë sekretarit të keshillit. Nëse peticioni nuk identifikon një person kontakti të parashtruesve të peticionit, keshilli do të supozojë se parashtruesi që është nënshkruar i parë i peticioni është edhe personi i kontaktit. Në çdo rast sekretari i keshillit, në korrespondencën elektronike me parashtruesit do të njoftojë edhe minimumi dy parashtrues të tjerë të peticionit.



Neni 76

Regjistrimi i peticionit për iniciativë qytetare

Peticioni për iniciativë qytetare, i paraqitur me shkresë, regjistrohet në zyrën e protokollit të Bashkisë apo në zyrën me një ndalesë të Bashkisë.

Neni 77

Vlerësimi paraprak i peticionit

1. Sekretari bën vlerësimin paraprak të peticionit, për të verifikuar nëse peticioni është paraqitur në formën, me të dhënat dhe me dokumentet bashkëngjitur, siç kërkohet nga kjo rregullore apo ndonjë rregullore tjetër e miratuar nga Këshilli.
2. Sekretari njofton kryetarin e këshillit për peticionin dhe i dorëzon një kopje, nëse kërkohet nga ky i fundit.
3. Sekretari i dërgon drejtorisë juridike të bashkisë një kopje të një flete të peticionit, për të verifikuar nëse parashtruesit e peticionit legjitimohen për të nënshkruar nismën për lancimin e peticionit për iniciativë qytetare, si dhe për të vlerësuar nëse projektakti i propozuar është brenda fushës së kompetencës së Bashkisë dhe në përputhje me formatin e miratuar nga Bashkia për paraqitjen e projektakteve. Drejtoria juridike dërgon përgjigje me shkrim brenda pesë (5) ditëve, nga dorëzimi i kërkesës së Sekretarit.
4. Sekretari njofton Kryetarin e Këshilli për vlerësimin e bërë, dhe nëse nuk merr ndonjë koment me shkrim brenda 3 ditësh, Sekretari njofton parashtruesin e peticionit, brenda afatit prej shtatë (7) ditësh nga data e regjistrimit të peticionit në zyrën e protokollit të Bashkisë, nëse peticioni është pranuar apo jo, për të vazhduar me procesin nënshkrimor. Nëse peticioni pranohet, Sekretari i përcakton një numër.
5. Nëse peticioni nuk pranohet, Sekretari i shpjegon Përfaqësisë për mangësitë e konstatuara dhe kërkon bërjen e plotësimeve, saktësimeve apo korigjimeve të nevojshme. Dorëzimi i peticionit me mangësitë e plotësuara, apo plotësimi i mangësive të pjesëshme, do të konsiderohet një regjistrimi i ri i peticionit.
6. Nëse Përfaqësia e Iniciativës nuk është e kënaqur me vlerësimin e peticionit nga Sekretari, i drejtohen me ankesë, i cili/a duhet tu kthejë përgjigje brenda pesë (5) ditëve nga regjistrimi i ankesës në zyrën e protokollit apo në zyrën me një ndalesë të Bashkisë.

Neni 78

Publikimi i kërkesës së peticionit

3. Iniciativa që paraqet peticionin pranuar nga Sekretari, njoftohet dhe publikohet në faqen e internetit të Bashkisë dhe në faqen e internetit të hapur nga Përfaqësia, nëse kjo e fundit ka një tillë, si dhe minimumi një vend të njoftimeve publike të Bashkisë.
4. Në njoftimin e peticionit specifikohen edhe emrat e parashtruesve të peticionit, afati i nënshkrimeve dhe vendet e mbledhjes së nënshkrimeve.



Neni 79

Afati për mbledhjen e nënshkrimeve për iniciativën

1. Afati për mbledhjen e nënshkrimeve miratohet nga këshilli bashkiak me propozim të Përfaqësisë së Iniciativës, dhe në çdo rast është jo më pak se dy (2) muaj dhe jo më shumë se gjashtë (6) muaj.
2. Kërkesa e Përfaqësisë së Iniciativës për përcaktimin e afatit të fillimit dhe mbylljes së nënshkrimeve të peticionit, shqyrtohet në mbledhjen më të parë të këshillit mbas dorëzimit të kërkesës në bashki. Nëse në këtë mbledhje këshilli nuk shprehet me vendim, afati i peticionit mbetet ai i propozuar nga Përfaqësia e Iniciativës.
3. Nëse Përfaqësia e Iniciativës nuk arrin ta shpërndajë për nënshkrim peticionin për iniciativë, brenda një (1) viti nga publikimi i peticionit në faqen e internetit të bashkisë, përfaqësia duhet të ri-paraqesin peticionin për praninë nga bashkia.

Neni 80

Grupet e mbledhjes së nënshkrimeve

1. Mbledhësit e nënshkrimeve janë zgjedhës të regjistruar në bashki dhe emërohen nga Përfaqësia e Iniciativës. Të dhënat e mbledhësve të nënshkrimeve si emri, atësia mbiemri, datëlindja dhe numri personal i identifikimit, si dhe vendi i mbledhjes së nënshkrimeve ku do të caktohen, citohen në procesverbalin e mbledhjes së Përfaqësisë së Iniciativës, procesverbal i cili zbardhet dhe nënshkruhet nga të gjithë anëtarët.
2. Vendimi i emërimit bashkë me të dhënat identifikuese dhe të kontaktit të mbledhësve të nënshkrimeve, dhe vendet e nënshkrimeve ku do agazhohen, firmoset nga parashtruesit person kontakti me bashkinë dhe i njoftohet këshillit të bashkisë.
3. Çdo mbledhës i nënshkrimeve firmos një deklaratë ku angazhohet të zbatojë kërkesat e ligjit dhe të kësaj rregullore (Shtojca nr. 12, model i deklaratës).
4. Deklaratat dhe të dhënat e mbledhësve të nënshkrimeve verifikohen nga sekretari në bashkëpunim me drejtorinë juridike të bashkisë. Brenda shtatë (7) ditësh nga marrja e deklaratave, njofton me shkresë parashtruesit e peticionit nëse deklaratat janë të vlefshme apo nëse ka probleme me të dhënat e mbledhësve të nënshkrimeve, dhe kërkon plotësimet, saktësimet apo korigjimet e nevojshme.

Neni 81

Mbledhja e nënshkrimeve për peticionit

1. Nënshkrimi i peticionit drejtohet nga Përfaqësia e Iniciativës dhe mbështet nga grupet e mbledhjes së nënshkrimeve.
2. Përfaqësia e Iniciativës autorizon me shkresë njërin nga anëtarët të terhoqë me procesverbal nga bashkia fletët e nënshkrimeve të iniciativës, të cilat janë të vulltura me vullën e bashkisë, dhe që do të administrohen nën përgjegjësinë e Përfaqësisë së Iniciativës për gjatë procesit të mbledhjes së nënshkrimeve.
3. Nënshkrimi bëhet me stilolaps me ngjyrë blu.
4. Asnjë person nuk lejohet:



- a) të nënshkruajë në emrin e një personi tjetër në çfarëdo rrethane,
 - b) të nënshkruajë në më shumë se në një fletë të nënshkrimeve, për të njëjtin peticion,
 - c) të nënshkruajë një peticion kur nuk ka të drejtë ta nënshkruajë atë.
5. Një person nuk mund të nënshkruajë njëkohësisht një peticion në letër dhe një peticion elektronik, në rastin kur të dy peticionet kanë të njëjtin titull.
 6. Nënshkruarit paraqitet personalisht në mjediset e mbledhjes së nënshkrimeve dhe paraqesin kartën e identitetit përpara nënshkrimit të peticionit. Anëtarët e grupit të mbledhjes së nënshkrimeve sigurohen që qytetarët të nënshkruajnë vetëm një herë dhe vetëm pasi të kenë plotësuar të dhënat e identifikimit të kërkuar në formatin e peticionit.
 7. Nënshkruarve u mundësohet që nënshkrimi i peticionit të bëhet në vendet që janë në afërsi të adresës së tyre të banimit.
 8. Gjatë procesit të nënshkrimeve të peticionit, secili grup i mbledhjes së nënshkrimeve nënshkruan çdo fletë të plotësuar me nënshkrime, si dhe mban procesvebalin për ecurinë e procesit të nënshkrimeve ku evidentohen mjediset e mbajtjes së nënshkrimeve, ora e fillimit dhe e mbylljes së procesit të nënshkrimeve dhe ngjarjet dhe problemet e hasura përgjatë procesit të nënshkrimeve.
 9. Nëse një zgjedhës, për arsye shëndetësore, nuk është në gjendje të shkojë në vendin e mbledhjes së nënshkrimeve, grupi i mbledhjes së nënshkrimeve, bazuar në kërkesën me shkrim të paraqitur nga vetë zgjedhësi, ose personi që e asiston, merr nënshkrimin në vendin ku ndodhet. Në çdo rast, kërkesa i paraqitet grupit të mbledhjes së nënshkrimeve jo më vonë se 24 orë para përfundimit të afatit të mbledhjes së tyre. Kërkesa i bashkëngjitet fletës së mbledhjes së nënshkrimeve dhe depozitohet së bashku në Bashki.

Neni 82

Mbledhja e nënshkrimeve elektronike

1. Mbledhja e nënshkrimeve në mënyrë elektronike, përveç sa më poshtë në këtë nen, bëhet sipas kërkesave të nenit 21 të kësaj rregullore.
2. Në rast se Këshilli vendos që nënshkrimet e peticionit për iniciativë qytetare të bëhet në formë elektronike apo në një mënyrë e përzier të nënshkrimit në letër me atë elektronik, nënshkruarit mund të regjistrohet në platformën elektronike me një emër përdoruesi dhe adresën email-i. Për të verifikuar identitetin e tyre, ata duhet të hedhin në platformën elektronike të dhënat si: emrin, atësinë, mbiemrin, adresën, numrin e celularit, datën e lindjes, numrin e dokumentit të identitetit ose numrin e pasaportës. Personat juridikë, përveç sa më sipër, mund të regjistrojnë edhe numrin e identitetit tatimor (NIPT-in).
3. Afati i mbylljes së nënshkrimeve elektronike citohet në tekstin e peticionit.
4. Në mbledhjen e nënshkrimeve elektronike respektohen, kërkesat e nenit 33 të kësaj rregullore.



Neni 83

Mjediset për mbledhjen e nënshkrimeve

1. Kryetari i bashkisë cakton mjediset për mbledhjen e nënshkrimeve të peticionit, me propozim me shpresë të Përfaqësisë, por jo më shumë se 500 apo 1000 nënshkrues për një mjedis nënshkrimi.
2. Kryetari i bashkisë merr vendim për caktimin e mjedisëve, jo më vonë se 20 ditë nga dita e paraqitjes së kërkesës nga përfaqësia. Në rast se kryetari i bashkisë nuk merr vendim brenda afatit 20 ditor, mjediset për mbledhjen e nënshkrimeve përcaktohen nga vetë përfaqësia. Vendndodhja e mjedisëve bëhet publike nga përfaqësia përmes njoftimit në faqen e internetit të iniciativë, si dhe në mjediset e jashtme të çdo njësie të vetëqeverisjes vendore.

Neni 84

Dorëzimi i peticionit për iniciativë për shqyrtim nga këshilli bashkiak

1. Përfaqësia, jo më vonë se pesë (5) ditë pas përfundimit të procesit të mbledhjes së nënshkrimeve, dorëzon dhe regjistron njëherazi pranë Bashkisë të gjithë dokumentacionin e peticionit për iniciativë qytetare që kërkohet nga nga ligji, kjo rregullore dhe rregullore të tjera të miratuara nga këshilli.
2. Dokumentacioni i peticionit përfshin, por nuk kufizohet në: fletët e mbledhjes së nënshkrimeve, dokumentet shoqëruese të peticionit, projektaktin e propozuar, relacionin shpjegues të projektaktit, procesverbalet e mbajtura nga grupet mbështetëse, kërkesat e nënshkruesve që nuk mund të nënshkruajnë në vendet publike dhe dokumentet e tjera që lidhen me procesin e nënshkrimeve, fletët e nënshkrimeve të papërdorura apo të dëmtuara. Të gjitha fletët e nënshkrimeve të peticionit duhet të jenë të vullosura me vulën e Bashkisë, dhe të gjitha dokumentet e tjera të peticionit, përfshirë projektaktin dhe relacionin shpjegues të projektaktit, dhe procesverbalet e grupeve të mbledhjes së nënshkrimeve, duhet të jenë të nënshkruara nga të gjithë anëtarët e Përfaqësisë.
3. Nëse iniciativa propozon miratimi i një rregullore apo akti tjetër normativ bashkiak, iniciativa duhet të shoqërohet me tekstin e plotë të propozimit, dhe sipas formatit që përdor bashkia në paraqitjen e projektakteve, dhe nëse iniciativa propozon një ndryshim të një rregullore apo akti tjetër normativ bashkiak, projektakti duhet të përfshirë nenet/paragrafët me tekstin e ndryshuar apo nenet/ paragrafët alternativë.
4. Parashtruesit mund të autorizojnë, me shkrim, një përfaqësues për të paraqitur peticionin në emër të tyre.
5. Procesverbali i dorëzimit të dokumentacionit të procesit të nënshkrimit, i cituar më sipër, firmoset nga personi i autorizuar i Përfaqësisë dhe drejtuesi i zyrës së protokollit të bashkisë.



Neni 85

Verifikimi dhe vlefshmeria e peticionit

1. Komisioni për Peticionet mundëson verifikimin e vlefshmërisë së peticionit dhe kontrollin e nënshkrimeve brenda një afati tridhjetë (30) ditor pas datës së dorëzimit të dokumenteve të peticionin pranëbashkisë.
2. Komisioni për Peticionet me vendim ngre grupin për verifikimin e vlefshmërisë së peticionit dhe kontrollin e nënshkrimeve, që drejtohet nga kryetari i komisionit dhe ka një anëtar nga grupi i këshilltarëve të shumicës dhe grupit më i madh i këshilltarëve të pakicës, sekretarin e këshillit dhe drejtuesin e drejtorisë/vektorit juridik të bashkisë, grup i cili ndihmohet nga punonjësit e sekretariatit të këshillit. Rezultatet e verifikimit i paraqiten komisionit.
3. Grupi vlerëson nëse çështja që trajton projektakti është çështje e interes publik dhe brenda funksioneve dhe kompetencës së këshillit bashkiak; nëse projektakti i propozuar nuk përjashtohet sipas kërkesave të pikës 2 të nenit 29 të kësaj rregullore; nëse parashtruesit e peticionit nuk përjashtohen nga kërkesat pikës 4 dhe 5 të nenit 32 të kësaj rregulloreje; nëse nënshkruesit janë zgjedhës të regjistruar në bashki; nëse numri i nënshkrimeve të vlefshme është i barabartë apo më i madh se numri i kërkuar për vlefshmërinë e peticionit; nëse të gjitha fletët e nënshkrimeve kanë të dhënat e kërkuara dhe janë sipas kërkesave të nenit 32 dhe të formatit të miratuar nga kjo rregullore; nëse numri dhe të dhënat e parashtruesve të peticionit janë të sakta dhe në përputhje me kërkesat e nenit 33 të kësaj rregulloreje; nëse numri i nënshkrimeve për faqe është 20; nëse shkresa pëmbledhëse e peticionit ka të dhënat e plota dhe të sakta, si dhe nëse janë plotësuar kërkesa të tjera të cituara në këtë kre.
4. Drejtuesi i drejtorisë/vektorit juridik të bashkisë, sipas kërkesës së grupit të verifikimit, bën verifikimin e nënshkrimeve dhe të të dhënave të nënshkruesve të peticionit. Nëse nga verifikimi i nënshkrimeve rezulton se të gjitha nënshkrimet janë të vlefshme, dhe për këtë arsye numri i nënshkruesve është i barabartë ose me shumë se një përqind (1%) e banorëve të bashkisë me të drejtë vote, drejtuesi i drejtorisë/vektorit juridik lëshon certifikatën e vlefshmërisë së peticionit. Drejtuesi njofton me shkrim sekretarin e këshillit për certifikimin e peticionit. Në rastin e peticionit për iniciativë qytetare që ka një mbulim territorial në nivel fshati, lagje apo njësie administrative, verifikimi i nënshkrimeve bëhet për dy përqind (2%) e banorëve të bashkisë me të drejtë vote.
5. Të dhënat e nënshkruesve dhe nënshkrimet e tyre verifikohen kundrejt listës së votuesve me nënshkrime të bëra gjatë zgjedhjeve të fundit, qofshin ato të përgjithshme apo vendore. Nëse gjatë verifikimit të nënshkrimeve të peticionit rezulton parregullsi apo numri i nënshkrimeve të pavlefshme është i barabartë me numrin e nënshkrimeve që e bën të pavlefshme peticionin, sekretari e njofton Përfaqësinë për numrin e nënshkrimeve që duhen plotësuar, por brenda afatit të përfundimit të procesit të nënshkrimeve të peticionit, në të kundërt peticioni refuzohet dhe nuk i përcillet këshillit për shqyrtim. Sekretari cakton një afati kohor për plotësimin ose korrigjimin e pasaktësive të nënshkrimeve.
6. Fletët me nënshkrimet e peticionit janë të pavlefshme nëse:
 - a. Fletët nuk janë sipas formatit të miratuar nga bashkia
 - b. Peticioni është tërhequr



- c. Ka përfunuar afati i procesit të mbledhjes së nënshkrimeve, apo emrat dhe adresat e banimit e shumicës së parashtruesve të peticionin kanë ndryshuar, apo asnjë nga parashtruesit nuk komunikoi ndaj kërkesave të bashkisë përgjatë procesit të vlerësimit apo verifikimit të peticionit.
7. Në rastin kur nënshkrimet janë bërë në shkresë dhe në platformë elektronike, fillimisht verifikohen nënshkrimet në shkresë dhe krahasohen në mënyrë të kryqëzuar me ato elektronike, për të mundësuar fshirjen çdo dublikate, pasi vetëm një nënshkrim do të numërohet.
8. Grupi shqyrton çdo kërkesë apo ankesë të bërë nga banorë të bashkisë apo organizata që legjitimohet nga kjo rregullore për të nënshkruar një peticion për iniciative qytetare, për pavlefshërinë e nënshkrimeve të dorëzuara në bashki. Grupi shqyrton kërkesën apo ankesën, bën verifikimet përkatëse dhe i kthen përgjigje kërkuarit/ ankuarit përmes shkresës së firmosur nga kryetari i grupit, brenda pesë (5) ditëve nga depozitimi në bashki i kërkesës/ankesës.
9. Më përfundimin e verifikimit, Grupi merr vendim t'i dërgojë Komisionit për Peticionet, njërin nga propozime në vijim:
 - a. Regjistrimin e iniciativës qytetare
 - b. Caktimin e një afati kohor për plotësimin ose korrigjimin e pasaktësive të nënshkrimeve;
 - c. Refuzimin e regjistrimit të iniciativës, nëse nga verifikimi rezulton se numri i nënshkruesve të peticionit që kanë depozituar identitetin dhe firmat e tyre, mbas mbarimit të afatit të procesit të nënshkrimeve, është më i vogël se numri i kërkuar për vlefshmërinë e peticionit.
10. Vendimi i grupit për vlefshmërinë e peticionit dokumentohet në procesverbalin e mbledhjes së grupit, procesverbal i cili firmoset nga të gjithë anëtarët e grupit.
11. Komisioni për Peticionet shqyrton propozimet e grupit të verifikimit dhe shprehet me vendim për njërin nga tre opsionet e përmendura në pikën 9 të këtij neni. Nëse komisioni vendos për refuzimin e iniciativës, komisioni e informon këshillimi për këtë vendim, në mbledhjen e parë të radhës.
12. Sekretari njofton Përfaqësinë e Iniciativës për vendimin e Komisionit për Peticionet, jo më vonë se tre (3) ditë nga marrja e vendimit.

Neni 86

Tërheqja e iniciativës qytetare dhe nënshkrimit

1. Përfaqësia mund ta tërheqi peticionin në çdo kohë përpara datës mbledhjes ku Komisioni për Peticionet do të shqyrtojë vlefshmërinë e peticionit.
2. Peticioni mund të tërhiqet nëse Përfaqësia nuk ka arritur të paraqesë në bashki, brenda afatit të përfundimit të procesit të nënshkrimeve, numrin e nënshkrimeve të kërkuara për vlefshmërinë e peticionit.
3. Nëse Përfaqësia e tërheq peticionin, ajo nuk mund ta riaktivizojë më atë, por mund të kërkojë ri-paraqitjen e peticionit, duke filluar kështu procesin nga e para.



4. Një nënshkruar i petitionit mund ta tërheqë nënshkrimin e tij/saj duke dërguar tek Sekretari një shkresë të nënshkruar ku kërkon revokimin e nënshkrimit nga peticioni. Kërkesa për tërheqjen e nënshkrimit është e vlefshme nëse regjistrohet në Bashki një ditë para datës së mbledhjes së Komisionit për Peticionet ku do të shqyrtohet vlefshmëria e nënshkrimeve të petitionit për iniciativë.

Neni 87

Depozitimi i iniciativës qytetare pranë këshillit bashkiak

Bashkëngjitur raportit të komisionit të përhershëm që ka shqyrtuar projektaktin e paraqitur me iniciativë qytetare, kryetari i komisionit i dërgon këshilli bashkiak edhe projektaktin, relacionin shpjegues të projektaktit, vlerësimin paraprak të shpenzimeve financiare për zbatimin e tij, mendimet e publiku të dhëna në dëgjuesën publike, si dhe vendimi i Komisionit për Peticionet në lidhje me vlefshmërinë e petitionit.

Neni 88

Këshillimi publik për iniciativën qytetare

1. Kryetari i Këshillit, thërret një seancë këshillimi me publikun në lidhje me iniciativën, ku ftohen të marrin pjesë edhe Përfaqësia e Iniciativës.
2. Seanca organizohet nga sekretari i këshillit dhe drejtohet nga kryetari i komisionit që mbulon fushën e iniciativës qytetare. Në seancë ftohen të marrin pjesë edhe kryetari i komisionit përpeticionet, kryetarët e grupeve më të mëdha politike të këshilltarëve bashkiakë dhe përfaqësues të drejtorisë/ sektorit që mbulon çështjet të cilën trajton iniciativa qytetare.
3. Në këtë seancë banorëve apo palëve të interesuara që janë kundër iniciativës u jepet mundësia të japin opinionet dhe komentet e tyre për një periudhë jo më shumë se 20 minuta, dhe komentet e tyre regjistrohen në procesverbalin e seancës dhe bëhen publike.
4. Mendimet e shprehura nga publiku në këtë seancë këshillimi bëhen pjesë e raportit të komisionit të përhershëm përkatës, dhe paraqiten në mbledhjen e këshillit ku do të shqyrtohet iniciativa.
5. Data, vendi dhe ora e mbajtjes së seancës njoftohet publikisht nga sekretari i këshillit në faqen e interneti të bashkisë dhe në median sociale zyrtare të këshillit bashkiak, jo më vonë se shtatë (7) ditë nga data e mbajtjes së seancës.

Neni 89

Konsultimi me kryetarin e bashkisë për iniciativën qytetare

1. Propozimet e ardhura në këshill, si iniciativë qytetare, kur kanë ndikim financiar në buxhetin e bashkisë, nuk mund të shqyrtohen dhe të miratohen në këshill, sipas rendit të ditës, pa marrë më parë mendimin e kryetarit të bashkisë.²³

²³Ligji nr. 139/2015, Neni 20/2



2. Kryetari i këshillit i dërgon kryetari të bashkisë kopje të një flete të peticionit me kërkesën për t'u shprehur ndikimin financiar të iniciativës qytetare në buxhetin e bashkisë, nëse ka.
3. Kryetari i bashkisë i kthen përgjigje këshilli brenda 10 ditësh nga marrja e kërkesës, dhe nëse brenda këtij afati kryetari i bashkisë nuk kthen përgjigje, këshilli bashkiak vazhdon me shqyrtimin e iniciativës.

Neni 90

Paraqitja dhe shqyrtimi i iniciativës në mbledhjen e këshillit

1. Peticioniparaqitet për shqyrtim në një mbledhjen më të afërt të rregullt të këshillit bashkiak, mbas datës së vendimit të komisionit për vlefshmërinë e peticionit.
2. Shqyrtimi nga këshilli i iniciativës bëhet sipas rregullave të mbledhjes së këshillit dhe vendimi i këshillit për iniciativën merret jo më vonë se gjashtëdhjetë (60) ditëve nga data e depozitimit të iniciativës për shqyrtim në mbledhjen e këshillit.
3. Këshilli bashkiak vendos për pranimin, ndryshimin apo hedhjen poshtë të iniciativës qytetare, vendimi i cili merret me shumicën e votave të të gjithë Këshilltarëve, përveç kur në ligj specifikohet ndryshe. Vendimi nuk merret në mbledhjen e këshillit bashkiak ku iniciativa prezantohet për herë të parë, përveç rastit kur, me vendim të shumicës së të gjithë këshilltarëve vlerësohet se iniciativa trajton një rast emergjent.
4. Këshilli fillimisht dëgjon raportin e Komisionit për Peticionet, ku përshkruhet një përmbledhje të të dhënave të peticionit, si numrin e nënshkrimeve, numrin e fletëve të nënshkrimeve, problemet me të dhënat dhe dokumentacionin, nëse ka, dhe aspekte të vlerësimit të vlefshmërisë së peticionit. Më pas këshilli dëgjon raportin e komisionit të përhershëm që mbulon fushën e çështjes që trajton projektakti i propozuar. Në vazhdim këshilli dëgjon vlerësimet e Kryetarit të Bashkisë për iniciativën.
5. Këshilli fiton Parashtruesin kryesor të paraqesë iniciativën për jo më shumë se 15 minuta.

Neni 91

Ankimi ndaj vendimeve të bashkisë në lidhje me peticionin për iniciativë qytetare

1. Përfaqësia e Iniciativës mund të ankohet kundër vendimit të këshillit bashkiak për refuzimin e pranimin paraprak të peticionit, refuzimin e marrjes së fletëve të nënshkuara, apo refuzimin e miratimit të iniciativës.
2. Për rastet e ankesave të cituara në pikën një (1) më sipër, Përfaqësia e Iniciativës mund të drejtohet gjykatës administrative të rrethit gjyqësor.

Neni 92

Mbështetja financiare për iniciativën

1. Shpenzimet për përgatitjen e fletëve të mbledhjes së nënshkrimeve, për mbledhjen e nënshkrimeve, si dhe përdorimin e mjediseve private nëse ka të tilla, përballohen nga Përfaqësia e Iniciativës.



2. Përfaqësia e Iniciativës mund të përdorë fonde nga donatorë, banorë, organizata apo biznese për financimin e iniciativës, por është e detyruar t'i bëjë publike donatorët pranë bashkisë dhe në faqen e internetit apo median sociale të Përfaqësisë së Iniciativës.

Neni 93

Mbështetja e bashkisë për iniciativën

1. Këshilli Bashkiak mund të ofrojë mbështetje juridike, teknike dhe financiare për të promovuar barazinë midis të gjithë qytetarëve, në rastet kur organizon iniciativa qytetarëve.
2. Këshilli bashkiak mund të miratojë një ndihmë financiare prej një (1) Euro për secilin prej nënshkrimeve të mbledhura, por jo më shumë se totalit të numrit të nënshkrimeve minimale që kërkohen për çertifikimin e peticionit (p.sh 1% e banorëve të Bashkisë, apo 2% e banorëve të NjA, lagjes, fshatit). Kjo shumë mund të ndryshohet me miratimin ekëshillit bashkiak. Ndihma financiare i jepet parashtruesve të peticionit në rastet kur këshilli e pranon plotësisht apo pjesërisht peticionin, përveç se kur këshilli vendos ndryshe. Në këtë rast këshilli miraton ndihmën financiare në të njëjtën mbledhje ku miraton edhe iniciativën, të plotë apo me ndryshime.
3. Sekretariati i këshillit, drejtuesi i drejtorisë/vektorit juridik dhe njësi për fuqizim dhe zhvillimin e komuniteteve të bashkisë, këshillojnë Përfaqësinë e Iniciativës për rregullat dhe procedurat që duhet të ndjekin për prezantim dhe nënshkrimin e peticionit.
4. Këshilli i vë në dispozicion të Përfaqësisë së Iniciativës platformën elektronike për nënshkrimin elektronik të peticionit dhe shpërndarjen e informacionit në lidhje me peticionit.
5. Bashkia jep lejen dhe cakton mjediset për nënshkrimet e peticionit.

Neni 94

Transparenca dhe llogaridhënja për iniciativën qytetare

1. Burimet dhe masa e financimit të iniciativës qytetare bëhen periodikisht publike në faqen zyrtare të iniciativës apo në faqen zyrtare të bashkisë.
2. Raporti përfundimtar i financimit të iniciativës publikohet në faqen e internetit të iniciativës apo në atë të bashkisë, jo më vonë se një ditë përpara dates kur iniciativa depozitohet në Këshill për shqyrtim.

Neni 95

Administrimi i dokumentacionit të kërkesave, peticioneve dhe iniciativave qytetare

1. Sekretari mban një dosje me vete për secilin peticion, dhe harton listën përmbljedhëse të dokumenteve që ka secila dosje.
2. Sekretari ndërton indeksin, mban dhe përditëson regjistrin e peticioneve dhe iniciativave qytetare (Shtojca nr. 13, modeli i regjistrit). Versioni për publikun i këtij regjistri publikohet në faqen e internetit të bashkisë.



Neni 96

Raporti për Peticionet

1. Sekretari harton raportin vjetor të peticioneve.
2. Raporti i paraqitet këshillit bashkiak në muajin tetor të vitit në vijim dhe mund të propozojë afate të reja për dhënien e përgjigjeve për peticionet në proces. Raporti shqyrtohet paraprakisht nga Komisioni për Peticionet, i cili i propozon këshillit pranimin apo ndryshimin e afatave të reja të propozuara për dhënien e përgjigjeve për peticionet.

Neni 97

Sanksionet

Kur personat e ngarkuar për mbledhjen e nënshkrimeve përfshijnë të dhëna të rreme, mbajnë përgjegjësi penale në bazë të dispozitave të Kodit Penal.

TITULLI IV

TË DHËNAT PERSONALE

KREU I

MBROJTJA E TË DHËNAVE PERSONALE

Neni 98

Ruajtja e konfidencialitetit të të dhënave të ankuesit

1. Këshilli dhe punonjësit përgjegjës ruajnë konfidencialitetin e të dhënave të mbledhura gjatë administrimit dhe trajtimit të ankesave.
2. Këshilli dhe punonjësit përgjegjës do t'i përdorin të dhënat:
 - a. për t'u marrë me trajtimin e ankesës ose për të adresuar çështjet sistemike që rrjedhin nga ankesat,
 - b. do t'i hapin të dhënat në një format të pa-identifikueshëm kur publikojnë të dhënat për publikun
 - c. do t'i ndajnë të dhënat me Këshilltarët, punonjësit e sekretariatit të Këshillit apo punonjësit e Bashkisë mbi bazën e nevojës për trajtimin e ankesës.
3. Çdo Këshilltar, Sekretari apo çdo punonjës i sekretariatit apo i ekzekutivit të Bashkisë që është i përfshirë në trajtimin e ankesës, duhet të ruajnë konfidencialitetin e ankuesit, përsa kohë ky i fundit nuk ka dhënë autorizim për bërjen publike të ankesës së tij/saj dhe të dhënave të tij/saj.
4. Një ankesë nuk mund të diskutohet me, ose të dhënat dhe informacioni që përban ankesa nuk i zbulohet një pale të tretë, pa lejen me shkrim të ankuesit. Në rastet kur një avokat është duke bërë një ankesë në emër të një klienti të tij/saj, korrespondenca, të dhënat dhe informacioni mund të ndahet me avokatin vetëm në rast se ankuesi ka depozituar pranë



Këshillit një letër autorizimi për avokatin.

Neni 99

Ruajtja e privacisë dhe konfidencialitetit të të dhënave të nënshkruesve të petitionit

1. Parashtruesit e petitionit duhet të njihen me përgjegjësitë e tyre në lidhje me mbledhjen e informacionit personal të nënshkruesve të një petitioni (emrat, numrat personal të identifikimi, adresat, kontaktet dhe nënshkrimet).
2. Parashtruesit e petitionit nuk duhet të shpërndajnë informacionin tek palë të treta, përveç se tek këshilli bashkiak dhe vetëm për arsye të paraqitjes së petitionit.

KREU II

DISPOZITAT KALIMTARE

Neni 100

Miratimi i rregullore

Këshilli bashkiak e bën publike projektin e kësaj rregullore për konsultim publik, përpara shqyrtimit nga Komisioni për Peticionet. Mendimet, komentet dhe vërejtjet e publikut për përmbajtjen dhe sugjerimet për përmirësimin e projek rregullore dokumentohen dhe administrohen nga sekretari i këshillit dhe i dërgohen për njohje dhe vlerësim Komisionit për Peticionet.

Neni 101

Seanca këshilli me publikun për projekt rregullore

1. Kryetari i këshillit bashkiak thërret një seancë këshillimi me publikun për këtë projekt rregullor, përpara shqyrtimit të saj në mbledhjen e këshillit. Seanca drejtohet nga kryetari i komisionit për rregulloret, mandatet, petitionet. Të gjithë këshilltarët janë të ftuar të marrin pjesë në këtë seancë dëgjimore.
2. Data, vendi dhe ora e mbajtjes së seancës njoftohet publikisht nga sekretari i këshillit në faqen e internetit të bashkisë dhe në median sociale zyrtare të këshillit bashkiak, jo më vonë se shtatë (7) ditë nga data e mbajtjes së seancës.

Neni 102

Hyrja në fuqi e rregullore

Kjo rregullore hyn në fuqi sipas përcaktimeve të Ligjit Nr. 139/2015 "Për Vetëqeverisjen Vendore", neni 55, pika 6.

KRYETAR I KËSHILLIT

Kadri Hyska

